

• Bible, John Kelle (Gaboon)  
1879

THE GOSPEL ACCORDING TO  
  
ST. JOHN,  
  
IN  
  
THE DIKĚLE LANGUAGE;

TRANSLATED

BY AMERICAN MISSIONARIES

AT

GABOON, WEST AFRICA.

---

NEW YORK:  
AMERICAN BIBLE SOCIETY,  
INSTITUTED IN THE YEAR MDCCCXVI.

1879.

# J Ŏ N.

---

## THANGÂKÂ 1.

1 Dibongwě a wu pě ditatyiki, diő Dibongwě a wu na Anyambiě, diő Dibongwě a wu Anyambiě.

2 Yěmětě yě wu na Anyambiě pě ditatyiki.

3 Yě mikâmi bilombi biěshě, dio na tyi yě ka alombi jěshě yi tyi mibě, yi mishi kâmiě.

4 Thaki' tha wu něi; diő thaki' thati thő bithânh bi botyi.

5 Diő bithânh bi panya pě divityiki, diő divityiki do biő shinhliě.

6 ¶ Mutyi a wuthě, ngwa Anyambiě a milomi; dina diei na, Jŏn.

7 Mutyi ti a minzhĩ pě nvesha, na a veshi' *botyi* Bithânh, na bâ beshě ba mēli' na *gwana* gwěi.

8 Ayēmě a tyi wu Bithânh bitĩ, *nji a milomiě* na a veshi' pě mbő wu Bithânh.

9 Bithânh bi mbombo biő yě, ngwa nzhakamě pě pēnzhe nyi, na dithânhshě mutyi jeshě.

10 A wu woni pēnzhe nyi, diő yě mikâmi pēnzhe nyi, diő pēnzhe nyő do yě veka.

11 A minzhĩ pě mbělmětě ba thĩ, diő ba tyi minânh yě.

12 Nji ntangi wu minânh yě, a mivě bâ nguldi nya dibě bana bambi Anyambiě, bâ ba mibunli dina diei;

13 Bâ ba mibialiě ana na makitha, do na ndiqwa wu nshoni, do na ndiqwa wu botyi *nji* na Anyambiě.

14 Diő Dibongwě a mivitya nshoni, na didi nashi na *ma'* mabēnh na mbombo bēni; diő beshě ba mijě' nēnia gwěi, *ntyinh* mbo nēnia wu miana ngwadikika dimbi Anyambiě.

15 Jön a miveshi pë mbö gwëi, na dilubila thobë na, Yë wá ngwa më mibonhthí na, Yë ngwa thí më bámbá a wu pë boshi biami, na diambilindí ye mibonji bë na më.

16 Diö beshë bëshë ba nánhmë pë dibuthë diëi, mabënh na mabënh.

17 Nadiambilindí nthali Mosës a mivë gwö, nji *ma'* mabënh na mbombo bi minzhí na Jisu Kraisi.

18 Shi na mutyi ngwa jëkamë Anyambië na peli; Miana ngwa dikika, ngwa thí pe tothí nya Shanwë, yë mithathi *botyi yë*.

19 ¶ Diö nthaka wumbi Jön wö wu, mia Baju ba milomi baminisë na Balivait na diwu' pë Jiruselëm, na ba piki yë na, Wë nzha?

20 Diö yë mimëmi, yë do shashë, nji a mimëmi na; Ana më pë Kraisi.

21 Diö ba mipi' yë na, Na pë? Wë Ilaias? Diö yë miká na, Ana më pë yë. Ana wë pë nshá' tí? Diö yë mibulishi na, Bia.

22 Diö ba miká yë na, Nji wë nzha? na, beshë ba thaki' bá ba milomi beshë. Wë ká pë mbö gwá na?

23 A miká na, Më dioi di *mutyi* ngwa thí lánh pë thakombi na Limbikwá' nzhetha nyambi Anyambië! mbo ngwanshá' Aisaia a mikáthi.

24 Diö bá ba milomië ba wu ba Bafaraisi.

25 Diö ba mipi' yë, na diká yë na; Ndí wë baptaiza, na wë shi Kraisi mëtë, do Ilaias, do ngwanshá' tí?

26 Jön a mibulishi bá na; Më baptaiza na madiba; nji mutyi a tëli pë tema nyani, ngwa be sha beka;

27 Yë wá ngwa thí më bámbá, a wu nji pë boshi biami; ngwa më shi na nyanga nya dityinhtha nshiya wu ntyotyí gwëi.

28 Bilombi bi bi mibë pë Bëthani pë biatyí bini bi Jördan, va Jön a mibë a bë baptaiza *botyi*.

29 ¶ Bia lënjë diö Jön a mijë' Jisu a bë nzha pë yë thí, diö a miká na; Shanga' Alëké yindamá' yimbi Anyambië yi ponha bibe bi pënzhe nyi.

30 Yë wá ngwa më mibonhthí pë mbö gwëi na,

Mutyi a thî mē bāmbā, ngwa wu pē boshi biāmi, nadiāmbilindī yē mibonji bē na mē.

31 Diō mē tyi mive' ye, nji mē nzhīmē baptaiza na madiba na, a jēnikwa' pē ba Israēl ba thî.

32 Diō Jōn a mithathi na, Mē mijē' Nshinhshinh wu bē shula na diwutha pē thobē mbo dipepika, na didi pē yē thî.

33 Diō mē tyi mive' yē; nji yē ngwa milomi mē pē dibaptaiza na madiba, a mikā mē na; Mutyi ngwa wē ē jē' Nshinhshinh wu bē shula na didi pē yē thî, yē ngē yē ngwa baptaiza na Nshinhshinh wu akitha.

34 Diō mē mijēni, na dithatha na, wā Miana mbi Anyambiē.

35 ¶ Bia lēnjē njikē Jōn a mibē, bā na baba ba bajethi bēi.

36 Diō yē mishanh Jisu a bē thēnhtha, diō yē mikā na, Shanga Alēkē yi ndāmā' yimbi Anyambiē.

37 Diō bajethi batī baba ba mijo' mbo yē mikāthi, na dithēpiliē Jisu.

38 Diō Jisu a mijilia na dijē' bā ba bē yē thēpiliē, diō yē mikā bā na;

39 Be toka ndī? Diō ba mikā yē na, Rabbi (nzhilia nya dibongwē di wō na, Njeli) wē di vi?

40 Diō yē mikā bā na, Nzha jēkani. Ba minzhī na dijē' va yē midika; diō ba midī nēi ashu yitī. Nadiāmbilindī busha na dilenjē ma minu' diom di magwēla.

41 Andru manyanh mbi Pitē yē wu nwoto pē baba ba mijo' *gwana wumbi* Jōn na dithēpiliē yē.

42 A mibonji je' manyanh Salmon, na dikā yē na, Beshē ba jēmē Mēssaia, di thî na nzhilia na Kraia.

43 ¶ Diō yē mindeshi yē pē Jisu thî. Diō mia Jisu a mishanh yē, a mikā na, Wē Salmon miana mbi Jona; wē ē thebiē na Sifasi, di thî na nzhilia na, Dikākī.

44 Bia lēnjē diō Jisu a mikiē pē Galili; diō yē mijē Filīp, na dikā yē na, Thepili' mē.

45 Diō Filīp a beta di pē Betsaida, akoldi yimbi Andru na Pitēr.

46 Filīp a mijē' Netanēli, na dikā yē na, Beshē ba jēmē yē ngwa Mosēs pē mithali bā na banganh ba

milénji pë mbö gwëi, Jisu Ngwanazerëti miana mbi Josëfi.

47 Diö Netanëli a miká yë na, Alombi yibënh yi wolihi wu' pë Nazerëti? F'ilíp a miká yë na; Nzha jëké.

48 Jisu a mijë' Netanëli a bë nzha pë yë thî, diö yë miká pë mbö gwëi na, Shanga, Ngwaisrael mbombo, ngwa shi na madiaka.

49 Netanëli a miká yë na, Wë vemë më na ndî? Diö Jisu a mibulishi yë na, Më mijë' wë pë shî nya jeli yi ateta, mia tî F'ilíp a sha thebi gwë.

50 Netanëli a mibulishi yë na, Shaḡwamë wë ngë Miana mbi Anyambië, wë ngwabotyî yi Israel.

51 Jisu a mibulishi yë na, Nali-kâna, më kâmë wë na, Më mijë' wë pë shî nya jeli yi ateta, diö wë mëlië? Wë ë jë ma' manën nulami na ma.

52 Diö yë miká yë na, Mbombo më kâ wë na, pë boshi wë ë jë' thobë thânh, na baminlomili bambi Anyambië, beta bibe tyika, na shula bishulika pë Miana ngwa mutyi thî.

## THANGÂKÂ 2.

1 Ashu yilalië diö dibe' di dibatha di mibe' pë Kene yi Galili; diö nyanh mbi Jisu a wu tî.

2 Jisu a mithebië nji' pë dibeki, bâ na bajethi bëi.

3 Diö mia divë di mitokwa, nyanh mbi Jisu a miká yë na; Ba shi na divë.

4 Jisu a miká yë na, Miali wâ, ndî thî nanâ, digwëla diamë di sha nzha.

5 Diö nyanh a miká bavënhli-atabuni na; kâmika' alombi jëshë yi yë ë be kâthâ.

6 Diö makopa ma makâki ma wu tî shini matani na poto, pë diambi di dijobitha di Bajû, ma beta koka miëlia do miba do milali.

7 Jisu a miká bâ na; Lonishaka' makopa na madiâ; diö bâ ba milonishi mâ bëni.

8 Diö yë miká bâ na; Dianhliaka' va, na dililië pë ngwa-thangâkâ tha dibeki thî; diö bâ ba mililië.

9 Mia ngwa-thangâkâ tha dibe' a mikie' madiba ma

vityikwamē divē, (yē do veka va mō ma wuka, nji bavēnhli-atabuni ba midianhli, ba miveki,) ngwa-thangākā tha dibeki a mithebi ngwambathi na dikā yē na,

10 Mutyi jēshē a bonda tēliē divē dibēnh, diō mia botyi ba bulimē (nātā' wēna *divē* dibe; nji wē talimē divē dibēnh na dinzha va.

11 Ditatyiki di bilemba di Jisu a mikāmi diō pē Kēne yi Galili na dilebiliē nēnia gwēi; diō bajethi bēi ba mibunli yē.

12 ¶ Pisha tī Jisu a mikiē pē Kapērnaum, bā na nyanwē, na bamanyanwē, na bajethi bēi; diō a tyi mitha' tī mashu malibuthē.

13 ¶ Diō dibe' di nulia di Baju di mikunibi, diō Jisu a mibe tyi pē Jērusalēm.

14 Diō yē mikābiē pē mbanh wumbi Anyambiē botyi ba beta shomba banyatyī na bindāmāki na mapepika, na bashēnhli ba mabom, didi.

15 Diō mia yē mikāmi mbisha wu mishiya mishali, a midushi bā beshē nadiwutha pē mbanh wumbi Anyambiē, na bindāmāki na banyatyī. Diō yē mishobi mabām ma bashēnhli, na dibutyiē bitabuni;

16 Diō ye mikā bā ba beta shomba mapepika na; Thokaka' bilombi bi va; Sha vitaka' pē mbanh wu Shanwamē mbanh wu mashombi.

17 Diō bajethi ba milanhli na, yi milēnji na; Diainh di mbanh gwāyē di shimē mē-dia.

18 ¶ Diō Baju ba mibulishi na dikā yē na; Alemba tinzha yi wē lebiliē beshē, na wē ē kāmā bilombi bi?

19 Jisu a mibulishi na dikā bā na; Vanzhika' mbanh wu, diō mashu malali mē ē wā bali lonha.

20 Dio Baju ba mikā na; Mbanh wu wu mishi longwa na mabom ma mimbu manai na mimbu mitani na wuoto; nji wē ē wō lonha mashu malali?

21 Nji a milubili pē mbō wu mbanh wu nyuli nyēi.

22 Mbonāwu mia yē mijomia na diwu' pē digwa, bajethi ba milanhli na, a mibonhthi bā alombi yitī; diō bā ba mimēli nlēnja na dibongwē di Jisu a mibonhthi.

23 ¶ Diō mia yē wu pē Jērusalēm pē dibe' di nulia,

balibuthě ba mibunli dina diei pě dibeki, mia bā ba mijě bilemba biěi bi yě mikami.

24 Nji Jisu yěmětě a tyi mibunli bā, nadiambilindī a mivě' bā běshě;

25 Diō a tyi mibě nji' na mbambi na, mutyi a veshi' yě pě mbō mbi mutyi; nadiambililindī a mive' alombi jěshě yi wu pě punh nya mutyi.

### THANGĀKĀ 3.

1 Mutyi a wu pě Bafaraisi ba thī, dina diěi na Nikodimo, ngwanami pě Baju ba thī.

2 Mutyi tī yě minzhī pě Jisu thī na mpuma, na dikā yě na; Shaṇwashi, beshě ba vemě na wě njeli ngwa wukamě pě Anyambiě thī; nadiambilindī shi na mutyi ngwa woli kāmā bimamia bi bi wě kāmā vēnh Anyambiě a bě nēi.

3 Jisu a mibulishi no dikā yě na, Mbombo mē kā na, na mutyi a sha biallē na diwu' pě thobě, wēna a tyi woli jě' divala dimbi Anyambiě.

4 Diō Nikodimo a mikā yě na; Mutyi a bialiki na, na a mbie ntoli? A woliki bali' nyinhtha pě māi wu nyanwě na dibialiě?

5 Jisu a mibulishi na; Mbombo mē kā wě na; na mutyi a sha bialiě na madiba na Nshinhshinh, wēna a tyi woli nyinhtha pě divala dimbi Anyambiě.

6 Alombi yi bialikwamě na nshoni yō nshoni; diō alombi yi bialikwamě na nshinhshinh yō nshinhshinh njikě.

7 Komě mamitha nalikāna, mē kā wě na; Bialia-kani no diwu' pě thobě.

8 Mpunga wu pēpiliě va gwō wu dinha, diō wě joka mpēpilia wutī, nji wě sha veka do va gwō wu wutha, do va gwō wu kiě; nani nji mutyi jěshě ngwa bialikwamě na Nshinhshinh a thīyī.

9 Nikodimo a mibulishi na dikā yě na; *Mambi* ma ma woliki bē na?

10 Jisu a mibulishi na dikā yě na; Wě njeli ngwa Israel, wě do veka *mambi* ma?

11 Mbombo mē kā wě na; Beshě ba lubimě *mambi*

ma beshê ba vemê, na diveshê mō ma beshê ba jēmê ;  
nji be do nānh nvesha gwashi.

12 Na mē bojīmē be mambi ma pēnzhe nyi, be do  
mēliē ; be ba a mēliē na, na mē bojīmē mambi ma  
thobē ?

13 Diō shi na mutyi ngwa betyikamē pē thobē na  
peli, nji ngē yē ngwa shulikamē na diwutha pē thobē,  
yē Miana ngwa mutyi ngwa thī pē thobē.

14 ¶ Diō mbo Mosēs a mipetyi nyōnh pē thakombi,  
mbonā nji Miana ngwa mutyi a petyibiki ;

15 Na, mutyi jeshē ngwa yē bunliē a tyī magwa, nji  
a bē' na thaki' th' adukwa jeshē.

16 ¶ Nadiambilindī Anyambiē a midinh pēnzhe nyi  
na thadinh thatī thō tha yē mivē Miana ngwēi ngwa-  
dikika, na mutyi jeshē ngwa yē bunliē a tyi magwa,  
nji a bē' na thaki' th' adukwa jeshē.

17 Nadiambilindī Anyambiē a tyi milomi Miana  
ngwēi pē pēnzhe nyi, na a kwīshi pēnzhe nyi, nji na  
pēnzhe nyi nyi kiki nēi.

18 ¶ Yē ngwa bunliē yē a shi na makwa, nji ngwa  
sha bunliē makwa ma thī nēi, nadiambilindi a sha  
bunliē dina di Miana mbi Anyambiē ngwadikika.

19 Nji makwa mā ma ; na bithānh bi njimē woni  
pēnzhe nyi, diō botyi ba dinha divityiki dakami na  
bithānh ; nadiambilindī bishali biabi bi thi bibe.

20 Nadiambilindī mutyi jeshē ngwa kāmā bibe, a  
bena bithānh, diō a sha nzha pē bithānh nalikāna  
bishali biēi bi jē' pē lebiē.

21 Nji yē ngwa kāmā mbombo a nzha pē bithānh,  
nalikāna bishali biēi bi jenikwani na, bi mikubi mbo  
ndiṅwa wumbi Anyambiē wu thē yī.

22 ¶ Pisha nya bilombi bi Jisu aminzhī pe pēnzhe  
nya Judia, bā na bajethi bēi ; diō yē midī nabi tī na  
dibaptaiza.

23 ¶ Diō Jōn njikē a bē baptaiza pe Inon kuna na  
Selim, nadiambilindī madianh ma wu tī malibuthē ;  
diō bā ba minzhi na dibaptaiziba.

24 Nadiambilindī Jōn a tyi mibē a biethibimē pē  
mboka adu' yitī.



25 ¶ Dið bajethi bambi Jön bá na Baju ba mibomília mapende pë diambi di njobia.

26 Dið bá ba minzhí pe Jön thí, na diká yě na; Shagnwashí, ngwa wu náyě pë biatyí.bini bi Jordan, ngwa wě miveshi pë mbõ gwěi, Sha', a thí baptaíza, dið botyi bëshě ba thí nzha pë yě thí.

27 Jön a mibulishi na diká na; Mutyi a sha woli' nánh n' alombi, věnh na yi věbimě yě na diwutha pë thobě.

28 Bemětě be veshimě pë diambi diamě na, mě kāmě na; Mě shi Kraís mětě, nji mě milomiě pë boshě biěi.

29 Ngwa thí na miali yě ngwambathi; nji jombi mbi ngwambathi, ngwa tēbě na dijoka mbo yě lubila, a dona bidonika pë diambi di divi di ngwambathi. Mboná adoni jamě yi yi komě.

30 Yě nēniki, nji mě mě shalibiki.

31 Yě ngwa wukamě pë thobě, a thí pë thobě tha bá bëshě; ngwa thí ngwa pēnzhe, yě thí ngwa pēnzhe nyi, dið yě lubila pë mbõ wu pēnzhe nyi; ngwa wukamě pë thobě a thí pë thobě tha bá bëshě.

32 Dið bi yě jēkame na dijoka bið bi yě veshě; nji shi na mutyi ngwa nānhmē nvesha gwěi.

33 Yě ngwa nāngame nvesha ngwěi a mēmimě na Anyambiě a thí ngě mbombo.

34 Yě ngwa Anyambiě a milomi, a lubila mabongwě mambi Anyambiě; nadiambilindí Anyambiě a sha vě yě Nshinhshinh vishivishaliě.

35 Ngwashanwě a dinha Miana, dið bilombi bieshě a věmě bið pë mbõ gwěi.

36 Yě ngwa bunliě Miana a thi na thaki th' adukwa jěshě; nji yě ngwa sha bunliě Miana, a tyi jě thakiki; nji mbimba nyambi Anyambiě nyi thí něi.

#### THANGÂKÂ 4.

1 Mia Shanb a mive' na, Bafaraisi ba mijo' na, Jisu a mikami na dibaptaíza bajethi dakami na Jön ;

2 (Nji ana Jisu mětě pë mibaptaízi, nji bajethi,)

3 A mithokwa pë Judia, na dibali nzha pë Galaili.

4 Dið yi wu na a leninga Semeria.

5 Diô yê minzhî pê akoldi yi Semeria yi thebiê na Sukar, kuna n' akanh yi Jekobi a mivê miana ngwêi Josêfi.

6 Diô lidianh dimbi Jekobi di wu tî, Jisu dâkami mboothê diô a midi shi yê *nzhu' nya* lidianh; diô busha na dilênjê ma mibê ma numê magwêla matani na diwoto.

7 Diô mimiali Ngwasemeria a minzhî dianh madiba; Jisu a mikâ yê na; *Mimiali wê*, vê mê madiba.

8 (Nadiambilindî bajethi bêî ba mibê ba kiêmê pê mboka shomba bidia.)

9 Diô miali Ngwasemeria a mikâ yê na; Yi thî na, wê bê Ngwaju, wê disha mê pika madiba, mê bê miali Ngwasemeria? (nadiambilindî Baju ba shî na bajombi na Basemeria.)

10 Jisu a mibulishi na dikâ yê na; Na wê vemê bwê' bimbi Anyambiê na yê ngwa kâ wê na, vê mê madiba, ka wê kamê yê pika, diô a kumba wê vê madiba ma thakiki.

11 Ngwamiali a mikâ yê na; Sharwamê, wê shi na adianhtha, diô lidianh di thî nji dilimi; nji wê thî na madiba ma thaki' ma vî?

12 Wê thî dakami na Sharwashi Jekobi, ngwa mivê beshê lidianh di, na dinâtâ tî, bâ na bana bêî, na bithe-mbi biêi?

13 Jisu a mibulishi na dikâ yê na; Ngwa nâtâ madiba ma a a bali gwa aveshithê;

14 Nji ngwa nâtâ madiba, ma mê ê yê vê, a tyi gwa pê na aveshithê adukwa jêshê; nji madiba ma mê ê yê vê, ma ê yê bê pê pungwê lidianh di madiba dibunjitha pê thaki tha adukwa jêshê.

15 Ngwamimiali a mikâ yê na; Sharwamê vê mê madiba matî, mê do pê na gwa avêshitha, do nji va nja dianh.

16 Jisu a mikâ yê na; kiê thebika yâ nthomi, wê ê nzha.

17 Ngwamimiali mibulishi na dikâ yê na; Mê shi na nthomi. Jisu a mikâ yê na; Wê vemê lubila na; Mê shi na nthomi.

18 Nalikana wē miba' na peli mithomi mitani; nji ngwa wē thī nēi va, a shi yā nthomi; wē kāmē alombi yināyi mbombo.

19 Diō ngwamimiali a mikā yē na; Shaṇwamē, mē jē wē nshāki.

20 Bashanh bashi ba beta junh *Anyambiē* pē mbeka wu; nji be ba kā na, womba va botyi ba juṇwē va thī pē Jiruselēm.

21 Jisu a mikā yē na: Miali wā, meli' mē na digwēla di thī nja, di be tyi junh Shaṇwē do pē mbeka wu do pē Jiruselēm.

22 Be ba juṇwē, nji be sha veka yi be ba juṇwē beshē ba veka yi beshē ba juṇwē, nadiambilindī nshuṇwa wu wu' pē Baju ba thī.

23 Nji digwēla di thī nzha, di thī nji va, di bajunh bambombo ba ē junh Shaṇwē na nlema na mbombo; nadiambilindī Shaṇwē a toka ba ntyinh wu ba junh yē.

24 Anyambiē yē Nshinhshinh; diō bā ba junh yē, ba juṇi na nlema na mbombo.

25 Ngwamimiali mikā yē na; Mē veka na, Messaia a thī nzha; (ngwa thebiē na Krais,) na a nzhimē kā a bojimē beshē bilombi bieshē.

26 Jisu a mikā yē na; Mē ngwa thī nāyē lubila, mē yē.

27 ¶ Ba bē lubila ma' ma diō bajethi bēi ba mipami, diō ba mimamithi mia yē miluba na ngwamiali; nji tyi mibē na mutyi ngwa mikā na; Ndī wē toka? do ndī wē lubila nēi?

28 Diō ngwamimiali mili dibeya diēi diō a mibulia pē mboka, diō yē mikā botyi na;

29 Nzha jēkani mutyi ngwa shikamē mī thatha bilombi biēshē bi mē na dikāmā; ana Krais wā?

30 Diō bā ba miwu pē mboka, na dinzha pē yē thī.

31 ¶ Ngwamimiali kiēthamē bajethi ba mishoshili yē na; Shaṇwashi, diaka.

32 Diō a mikā bā na; Mē thī na bidia bi mē dia, bi be sha veka.

33 Diō bajethi ba miluba bā na bā na; Mutyi a ndeshi yē bidia?

34 Jisu a mikâ bâ na; Bidia biamě bi thĩ na; mě kâniki thadinth thambi ngwa milomi mě na dishili ashali jěi.

35 Be sha kâ na; ba likamě bangânjě banai wěna adu' yi nkatya yi nzhĩmě? Shanga, mě kâ be na; benaka' mishi be ba a shanh bikanh, na bi mbie bipumi pě dikatyiba.

36 Diő ngwankatyi a nânih biba na dikusha bidia pě thaki' th'adukwa jeshě; na, ngwamběthi na ngwankatyi ba doniki nshamba wuoto.

37 Pě alombi yi dibongwě di thĩ mbombo na, nwoto mběthi, nwâkâ kě nkatyi.

38 Mě milomi be pě dikata yě yi be sha kuba; bawâ' ba shimě kuba, diő be ba tâbimě pě bishali biabi.

39 ¶ Diő Basemeria balibuthě ba akoldi yinâyi ba mibunli yě na diambi di dibongwě di ngwamiali a miveshi na; A mithathi mě bilombi biěshě bi mě na dikâmâ.

40 Nani kě mia Basemeria ba minzhĩ pě yě thĩ, ba mishoshili yě na a di' nabi; diő yě mitha tĩ mashu maba.

41 Diő bawâkâ balibuthě ba mibunli na diambi di dibongwě diěi mětě;

42 Diő bâ ba mikâ ngwamiali na; Beshě bunlimě dě ana na diambi di dibongwě diâ; nadiambilindĩ beshě-mětě ba jomě, diő beshě ba vemě na, wâ Kraish mbo-mbo, Nkishi ngwa pēnzhe nyi.

43 ¶ Mashu maba nulami, diő Jisu a mithokwa tĩ, na dinzha pě Galili.

44 Nalikâna Jisu yēmětě a miveshi na, ngwanshâ' a shi na junh pě pēnzhe nyěi mětě.

45 Diő mia yě minzhĩ pě Galili, Bagalili ba minânih yě, nadiambilindĩ ba mijě' bilombi biěshě bi yě mikâmi pě Jiruselēm pě dibeki; nadiambilindĩ bâ ba mikiě nji' pě dibeki.

46 Diő Jisu a mibali nzha pě kene ngwa Galili va ye mivĩtyĩthi madiba divě. Diő anami yi mibě ngwa mia-na ngwěi a mitatyika pě Kepërnaum.

47 Mia yě mijo'na Jisu a pamimě pě Galili mia yě

miwu' pë Judia, a mikië pë yë thÿ, na dishoshili yë na, a shilikwa na dinzha yë joma miana ngwëi; nadiambi-lindi a wu bideli mëtë.

48 Diö Jisu a mikâ yë na; na be sha jÿ maveka na bimamia kâ be tyi mëlië.

49 Ngwanami a mikâ yë na; Shaṇwamë, Shilikwa, miana ngwamë a jë' pë gwa.

50 Jisu a yë na; Veka bulia, yâ miana a kimë. Diö mutyi tÿ a mimëli dibongwë di Jisu a mibonhthÿ yë, diö yë mibulia;

51 Mia yë mishilikwa diö bakubi bëi ba mibomita nëi na dibonhtha yë na; Yâ mlana a kimë.

52 Diö yë mipi' bâ digwëla di yë mitatyili kika; diö bâ ba mikâ yë na; Nangothoma digwëla di matani na maba divëbi di mishithi.

53 Diö ngwashanwë a mive' na, diö digwëla dÿtimëtë di Jisu a mikâ yë na; Yâ miana a kimë; diö yë mimëli bâ na atâkâ jëi jëshë.

54 Yö alemba yibalië yi Jisu a mikâmi, mia yë miwu' pë Judia na dinzha pë Galili.

### THANGÂKÂ 5.

1 Pisha nya bilombi bi dibe' di Baju di mibë, diö Jisu a mibetyi kië pë Jiruselëm.

2 Diö pë Jiruselëm kuna na diassha di bindâmâki atâ' yi thÿ tÿ yi thebië pë nlubia wu Hibu na; Bithësida, yi thÿ na mimbanh mitani.

3 Pë mimbanh mi mi minika nshamba wunën wu botyi ba mitatyilki, banjimë, na biboka, na ba minka-shi, ba bë venhli nkubia wu madiba.

4 Nadiambilindi ngwanlomili a beta shula pë atâki, na dikubili madiba; diö ngwa mibonji shula pë madiba ma mikubika a mijomië nvimi gwëshë wu yë wu na gwö.

5 Diö mutyi a wu ti ngwa mibë na nvimi mabom ma mimbu malali na mimbu mitani na milali.

6 Jisu a mijë yë bla, diö a mive' na, a mibembi tata, diö yë mikâ yë na; Wë naka jomië?

7 Diö ngwa ntatyiki a mibulishi yë na; Shaṇwamë,

mě shi na mutyi ngwa a dishě mě pě atâki, mia madi-ba ma thi kuba; nji mě bě nzha, wěna nwâkâ a daka mě na dithebitha.

8 Jisu a mika yě na; Valikwě, tomba' anânh jâyě, wě ẽ kiě.

9 Diõ mutyi tĩ a mitě' kika, diõ yě mitombithi anân jěi na dikiě. Diõ busha bítĩ bi wu busha bi Shânâ.

10 ¶ Diõ Baju ba mikâ ngwa miyomiě na; Busha bi Shânâ bo; shi yiběnh na, wě ẽ bapi anânh. -

11 Diõ yě mibulishi bâ na; yě ngwa jomika mě, yě kâ wě na; Tomba' anânh jâyě, wě ẽ kiě.

12 Diõ bâ ba nipi' yě na; Mutyi tĩ yě nzha, ngwa kâ wě na; Tomba' anânh jâyě wě ẽ kiě?

13 Diõ yě ngwa mijomiě a tyi mive' yě; nadiambi-lindĩ Jisu a mithokwa pě womba va dibuthě di botyi di wuthě.

14 Pisha ti Jisu a mikâbi yě pě mbanh wumbi Anyambiě na dikâ yě na; Sha, wě kimě; sha bebiki pě nakě, alombi yiwa' yibe nulami yi jě pě nzha pě gwě thĩ.

15 Diõ mutyi tĩ a mikiě thatha Baju na, ngwa miki-shi yě yě Jisu.

16 Nani kě Baju ba mithepili Jisu na dikiěnhli yě jotha, nadiambilindi a beta kâmâ ma' ma busha bi Shânâ.

17 ¶ Nji Jisu a mibulishi bâ na; Shanwamě a thĩ kuba na dinzha shoka nyi, nani kě mě kuba.

18 Diõ Baju ba mikiěnhli yě jotha nulami, nadiambilindi a sha woshi busha bi Shânâ dipa, nji' a kâmě nji' na; Anyambiě a thĩ yě Shanwě, na disheya na Anyambiě.

19 Diõ Jisu a mibulishi na dikâ bâ na; Mbombo mě kâ be na; Miana a sha woli' kâmâ alombi yěmětě, vě-ngě yi yě jě Shanh kâmâ; nadiambilindi bilombi bie-shě bi yě kâmâ biõ nji' Ngwamiana a kâmâ.

20 Nadiambilindi Ngwashanh a dinha Miana, na dilebiliě ye bilombi bieshě bi yěmětě kâmâ; diõ a a yě lebiliě bishali bi daka bi, na be ba a mamitha.

21 Nadiambilindĩ mbo Ngwashanjwě a jomitha biki-  
ěnh na dibali biő vě thakiki, mbonā nji Ngwamiana a  
vě bā thakiki ba yě naka.

22 Nadiambilindĩ Ngwashanjwě a sha jěli na mutyi,  
nji dijěli diěshě a vēmě diő Miana;

23 Na, botyi běshě ba jungi, Miana, mbo bā ba junh  
Ngwashanjwě. Yě ngwa sha jungi Miana, a sha jungi  
nji' Shanwě ngwa milomi yě.

24 Mbombo, mě kā be na; yě ngwa joka dibongwě  
diamě, na dibunli yě ngwa milomi mě, a thĩ na thaki'  
th' adukwā jěshě; diő a sha nzha pě makwa; nji a  
damě digwa na dinzha ku' pě thakiki.

25 Mbombo mě kā be na; digwěla di thĩ nzha, di  
nzhĩmě njikě, di bikiěnh bi i joka dioi di Miana mbi  
Anyambiě; diő bā ba a joka ba a diya.

26 Nadiambilindĩ mbo Ngwashanjwě a thĩ na thaki'  
yēmětě, mbonā nji' yě mivě Miana na a bě na thaki'  
yēmětě.

27 Diő yě mivě yě nguldi nya dikāmā njělia njikě,  
nadiambilindĩ yě Miana ngwa mutyi.

28 Sha mamaka' alombi yi; nadiambilindĩ digwěla  
di thĩ nzha, di bā běshě ba thĩ pě mashānh ba a joka  
dioi diei;

29 Na didusha; bā ba mishi kāmā biběnh pě njomia  
wu thakiki; nji bā ba mishi kāmā bibe pě njomia wu  
makwa.

30 Mēmětě, mě sha woli kāmā na alombi; mbo mě  
joka nani mě jěliě; diő njělia gwamě wu thĩ wuběnh;  
nadiambilindĩ mě sha toka ndiqwa gwamě mětě, nji  
ndiqwa wu Shanah ngwa milomi mě.

31 Na mě veshimě pě mbő gwamě mětě, wěna nve-  
sha gwamě wu shi mbombo.

32 ¶ Nwākā a thĩyi ngwa veshě pě mbő gwamě; diő  
mě vemě na, nvesha wu yě veshě pě mbő gwamě, wu  
thĩ mbombo.

33 Be ba milomi pě Jŏn thĩ; diő yě miveshi pě mbo-  
mbo.

34 Nji mě sha nānh na nvesha wu mutyi; nji mě  
tyubimě bilombi bi, nalikāna na, be kiki.

35 A wu atylê mêtê yi mitholibi na dipanya; diô be ba mimêli dona na bithanh bieï via 'dukwa.

36 ¶ Nji më thî na nvesha wunen dakami na wumbi Jôn; nadiambilindî bishali bi Shaṇwê a mivê më, na më kâmi biô, bishali bitî bi më kâma, biô bi veshê pê mbô gwamê na Shaṇwê a milômi më.

37 Diô Shaṇwê mêtê ngwa milomi më a miveshi pê mbô gwamê. Be sha joka dioï dieï na pelî, do jê' ntyinh gwêi.

38 Diô be shi na dibongwê diêï pê punh' nyani; nadiambilindî ngwa yê milomi, be sha mêliê yê.

39 ¶ Be bēnhthē minlēja, nadiambilindî be jê' na be ba thî na thaki' th' adukwa jeshê tî, diô miô mi veshê pê mbô gwamê miô mi.

40 Diô be sha mêli nzha pê më thî na; be bē' na thakiki.

41 Më sha nānh junh pê botyi ba thî.

42 Nji më veka begwê na, be shi na thadinh thambi Anyambiê pê punh nyani.

43 Më nzhimê na dina di Shaṇwamê, be do më nānh; nji na nwākā a nzhimê na dina diēmētê, kâ be nānhmê yê.

44 Be woliki mêli na, be ba nānhlia junh be na be, be do toka junh yītî yi wu pê Anyambiê dipa thî.

45 Sha lanhliaka' na, më ô be lubiliê pê Shan̄h thî; ngwa a be lubiliê yê Mosēsî, ngwa be ba bunliê.

46 Nadiambilindî na be ba a mêli Mosēsî, ka be mêli-mê nji më; nadiambilindî a milēnji pê mbô gwamê.

47 Nji na be sha mêli minlēja miêï; be ba a mêliê mabongwê mamê na?

## THANGÂKÂ 6.

1 Pisha nya bilombi bi Jesu a miklê pê blatyi bini bi nsho wu Galili, wô nji nsho wu Taiberia;

2 Diô nshamba wunēn wu mithēpili yê, nadiambilindî ba mijê' bimamia biēï bi yê mikâmi botyi ba mitatyika.

3 Diô Jisu a mibetyi pê mbeka na didi tî shî, bā na bajithi bēl.



4 Dið dibê' di Baju di nulia di mikunibi.

5 ¶ Dið Jisu a mibenithi mishi mēi na dijē' nshamba wunen wu bē nzha pē yē thī,, dið yē mikā Filip na, Bena ba a shomba bidia vī dleshi botyi ba ?

6 (A mikā nani yē diveli yē; nadiambillindī yēmētē mive' mbo yē ē kāmā.)

7 Filip a mibulishi yē na; bidia bi kwa minkama mi bafura miba bi shi bā kokami, na mutyi jēshē a māngi vishivishali.

8 Nwoto ngwa bajethi bēi, Andru manyanh mbi Saimon Pitēr, a mikā yē na;

9 Ndēmbishali a thī va, ngwa thī na bibu' bi mpēmba bitani na via bashē bashali baba, nji bið ndī pē dibuthē di botyi di ?

10 Dið Jisu a mikā na, dishaka' botyi shī; dið womba vatī va wu na ntobi wulibuthē; dið botyi ba midī shī ba mibē ntangi wu mintāshen mitani.

11 Dið Jisu a minānh bibuki, dið mia yē mivē dibatā a mikabi bið bajethi bēi, dið bajethi *ba mikabi* ba wu shī di di; nani nji bashē *ba mibē* mbo bā ba minaka.

12 Mia bā ba mijuli, a mikā bajethi bei na; Shābiliaka' bipēshi bi likaka, do bē na alombi yi wosha.

13 Nani kē ba mishābilia na dilonishē diom di bitonji na bitonji biba bēni na bipēshi bi bibu' bi mpēmba bitani, bi ba mishi dia, ba miliki.

14 *Mia* botyi *ba mije'* alemba yi Jisu a mikāmi, ba mikā na, Mbombo ngwanshāki tī yē wā ngwa bē na a nzha pē pēnzhe nyi.

15 ¶ *Mia* Jisu a mive' na ba kumba yē nzha bietha na, ba jebishi yē bibotyi, a mibali thokwa na dikiē pē mbeka yē dipa.

16 Dið mia yō yi mibē yi mbie ngothoma, bajethi bēi ba mishilia pē nsho;

17 Dið bā ba mitābi pē alēnji, ba bē dali nsho kiē pē Kapernaum. Dið divityiki di mbiethi, dið Jisu a tyi mibē a nzhīmē pē bā ba thī.

18 Dið nsho wu minyanyi na diambi di mpunga wunen wu mipēpiliē.

19 Mbonā mia bā ba mibē ba dumē makiē malali do

manai ba mijê Jisu a bê thanda pê nsho na makothî, na dinzha kuna na alênji; diô bâ ba minyênh.

20 Diô yê mikâ bâ na; Mëni; sha nyëugani.

21 Diô bâ ba midoni yê nânih pê 'lênji; diô alênji yi mitê bê pê kinji' nya bâ ba mikiêkê.

22 ¶ Bia lénji, mia botyi ba wu tēbitēbi pê biatyi bini bi nsho ba mijê' na alênji yiwa' yi tyi mibê ti; thô ngē yo yi bajethi bēi ba mitabi, diô Jisu a tyi mitabi pê 'lênji nshamba wu bajethi bēi, nji bajethi bēi ba mikiê bâ dipa,

23 (Nji bilenji biwâ' bi miwu pê Taibiria, na dinzha kuna na womba va bâ ba midie mpēm̄ba pishê nya Jisu a mivê dibâtâ;)

24 Nani kê mia botyi ba mijê' na, Jisu a tiyi mibê ti, do bajethi bēi, diô bâ ba mitabi nji' pê bilênji na dinzha pê Kapernaum matoka mambi Jisu.

25 Diô mia bâ ba mijê' yê pê biatyi bini bi nsho, ba mikâ yê na; Shanwashî, wê nzhi' va nzha 'dukwa?

26 Jisu a mibulishi na dikâ bâ na; Mbombo mē kâ be na, be toka mē, ana nalikâna be jēm̄ bimamia, nji nadiambilindî be diem̄ bibu' bi mpēm̄ba na dijula.

27 Kubika' ashali ana pê bidia bi bâthâ, nji pê bidia bi i bembâ na dikiê pê thaki' tha adukwa jêshê, bi Miana ngwa mutyi kê be vê; nadiambilindî Shan' Anyambiê a keshimê diveka pê yê thî.

28 Diô bâ ba mikâ yê na; Beshê ba kâniki ndî, na beshê kubiki bishali bimbi Anyambiê.

29 Jisu a mibulishi na dikâ bâ na; Ashali yimbi Anyambiê yô yi na, bunliaka' yê ngwa yê milomi.

30 Diô bâ ba mikâ yê na; Alombi yimamia tînzha yi wê kâmâ na beshê ba jê' yô na dibunli gwê? Wê kuba ndî?

31 Bashanh bashî ba beta dia manna pê thakombi; mbo yô yi thî lénjam na; A mivê bâ mpēm̄ba wu diebiê na diwutha pê thobê.

32 Jisu a mikâ bâ na; Mbombo mē kâ be na; Mosēsî a tyi mivê be mpēm̄ba wutî wu miwu' pê thobê; nji Shanwamê yê vê be mpēm̄ba wumbombo wu wu pê thobê.

33 Nadikána mpěmba wumbi Anyambié wö yě ngwa pānjikamě na diwutha pě thobě, na divě pēnzhe nyi thakiki.

34 Ba mikā yě na; Shanwashī, vē beshě mpěmba wutī mbainhmbainh.

35 Jisu a mikā bā na; Mě mpěmba wu thakiki; ngwa nzha pě mě thī a tyi gwa pě na' nzhatha; ngwa bunli mě a tyi gwa pě na' aveshithě.

36 Nji mě kā be na; be jēmě mě njikě, diō be sha bunli mě.

37 Bā bēshě ba Shanwa' vē mě ba a nzha pě mě thī; na yě ngwa nzha pě mě thī, mě tyi majonhli yě.

38 Nadiambilindī mě mipānji na diwutha pě thobě, ana na dinzha kāmā ndiqwa gwamě, nji ndiqwa gwēl wu ngwa milomi mě.

39 Diō ndiqwa wu Shanwě ngwa milomi mě, wö wu na, bā bēshě ba yě mivě mě mě sha kuta bā do nwoto, nji mě ē bā jomitha ashū yi madimilia.

40 Diō ndiqwa gwēl wu ngwa milomi mě wö wu na, mutyi jēshě ngwa a jě' Miana nadibunli yě, a a bē na thaki' tha adukwa jēshě, diō mě ē yě jomitha ashū yi madimilia.

41 Diō Bajū ba minyamilia pě diambi dlei, nadiambilindī a mikā na; Mě mpěmba wu mipānji na diwu' pě thobě.

42 Diō bā ba mikā na; Ana Jisu ngwa miana mbo Josēfi wā, ngwa shanh na nyanh ba beshě ba veka? Nji ndī yě kā na; Mě shulimě na diwu' pě thobě?

43 Diō Jisu a mibulishi na dikā bā na; koka' pě nyamila be na bewě;

44 Shi na mutyi ngwa woliki nzha pě mě thī, vēngě na Shanwě ngwa milomi mě a dambitha yě, diō mě ē yě jomitha ashū yi madimilia.

45 Yi thī lēnjam na bashāki na; Diō bā bēshě ba a bē ba jeka' na Anyambiē. Nani kě mutyi jēshě ngwa a joka na dijetha na Shanwě, a a nzha pě mě thī.

46 Shi na mutyi ngwa jēkamě Ngwashanwě; vēnh yě ngwa wu pě Anyambiē thī, yě jēkamě Shangwě.

47 Mbombo më kâ be na; Yě ngwa a më bunli, a a bë na thaki' tha adukwa jeshě.

48 Mě mpěmba wuti wu thakiki.

49 Bashanh bani ba midie manna pě thakombi, diô bâ ba migwî;

50 Mpěmba wu pânjikâ na diwu' pě thobě wô wu, na mutyi a diě' gwô yě do gwawě.

51 Mě mpěmba wu thakiki wu mipânji na diwu' pě thobě; na mutyi a diamě mpěmba wu wěna a dimě mashu meshě. Diô mpěmba wu më ẽ vë, wô nshoni gwamě, wu më ẽ ẽ vë thaki' tha pënzhe nyi.

52 Diô Baju ba mishunlia bâ na bâ na; Wâ a woliki beshě vë nshoni gwëi, na beshě ba dia gwô na?

53 Diô Jisu a mikâ bâ na; Mbombo më kâ be na, na be sha dia nshoni wu Miana ngwa mutyi na dinâtâ dikitha diëi, wěna be shi na thakiki pě bemëtě ba thî.

54 Ngwa a dia nshoni ngwamě na dinâtâ dikitha diamě a a bë na thaki' tha adukwa jëshě; diô më ẽ yě jomitha ashu yi madimilia.

55 Nadiambilindi nshoni gwamě gwô bidia mëtě, na dikitha diamě diô anâtyinâtyi mëtě.

56 Yě ngwa dia nshoni gwamě na dinâtâ dikitha diamě a di na më, më kě nji më dika nêi pě pungwë.

57 Mbo Shan' ngwa diga, a milomi më, diô më di na Shanwë; mbonâ nji' ngwa dia më yëmëtě a a nji di na më.

58 Mpěmba wu mipânji na diwu' pě thobě wô wu; ana mbo bashanh bani ba midie manna bâ digiwadi. Yě ngwa a dia mpěmba wu a a di mashu mëshě.

59 A mibonhthi bilombi bi pě sunagogi, a bë jeli pě Kapernaum.

60 Dibuthě di bajethi bëi mia bâ ba mijoki, ba mikâ na; Abanh yideli yi; nzha woliki yô joliě?

61 Mia Jisu a mive' na nlema gwëi na, bajethi bëi ba minyamila yô, a mikâ bâ na; Yi yi nyanyishě begwë?

62 Diô na be jëmě Miana ngwa mutyi a bë beta pě va yě mibonji bë—

63 Nshinhshinh wô wu vë thakiki, nshoni wu shi

na mbambi; mabongwë ma më bonhtha begwë, mö nshinhshinh, mö nji thakiki.

64 Nji bawä' ba thiyi pë be ba thï ba sha melikwë; nadiambilindi Jisu a miveki nadiwu' pë ditatyiki bā ba sha mëlikwë na yë ngwa a yë bieshë.

65 Diö yë mikā na; Nanikë më kāmë be na; shi na mutyi ngwa woliki nzha pë më thï, na yi sha vëbi yë na Shanwamë.

66 Nadiwu' dikanh diti dibutha di bajethi bëi ba mibulia, pishë bā do pë na nëi thënhtha.

67 Diö Jisu a mikā diom na baba na; Be nji' be ka thokwa?

68 Diö Saimon Pitër a mibulishi yë na; Shanwamë, beshë ba ë kië pë nzha thï? Wë thï na mabongwë ma thaki' tha adukwa jëshë.

69 Diö beshë ba mëlimë na diveka na, wë Krai mëtë, Ngwamiana mbi Anyambië ngwa diya.

70 Jisu a mibulishi bā na; Më sha tabā begwë diom na baba? diö nwoto pë be ba thï yë diabolo?

71 A milubili pë diambi dimbi Judas Aiskariotï, miana mbi Saimön; nadiambilindi yë yë ngwa a yë bieshë, a wu nji nwoto pë diom na baba.

### THANGÂKÂ 7.

1 Pisha nya bilombi bi Jisu a midi pë Galili; nadiambilindi a tyi mika' di pë Judia na dibomba di Baju ba mikaka yë jotha.

2 Diö dibeki di mimbashë di Baju di kunibimë.

3 Diö bamanyanh bëi ba mikā yë na; Thokwa va wë ë kië pë Judia, na bajethi bā' ba jë' bishali bi wë kāmā.

4 Nadiambilindi shi na mutyi ngwa kāmā alombi dishâthâ, mia ti yëmëtë a naka bë pë bithânh. Na wë kāmā bilombi bi lebili botyi nyuli nyâyë.

5 Nadiambilindi bamanyanh bëi nji ba tyi mimëli yë.

6 Diö Jisu a mikā bā na; Adu' jamë yi sha bë; nji adu' jani yi thi kokamë mbainhmbainh.

7 Botyi ba sha woli be bena; nji ba bena më, na dibomba di më kobishë bā na, bishali biabi bi thï bibe.

8 Betyika' bewë pë dibe' di; më sha beta va pë dibë' di, nadiambilindi adu' jamë yi sha bë kokami

9 Mia yë mikâ bâ mabongwë ma, diô yë midi na' pë Galili.

10 ¶ Nji mia bamanyanh bëi ba mibë ba shimë beta, diô a mibeti nji pë dibeki, ntyinh mbo dishâthâ ana pë bithanh.

11 Diô Baju ba mito' yë pë dibeki, diô bâ ba mikâ na, A thî vî?

12 Diô minyamila miwu minën pë dibuthë di botyi pë mbô gwëi. Bawâ ba mikâ na; A thî mutyi mbënh; bawâ nji na; Bia, a dimbishë botyi.

13 Nji tyi mibë na mutyi ngwa milubili pë mbô gwëi kwashi, na nyënh wu Baju.

14 ¶ Nji pë adu' yi tema nya dibeki Jisu a mibetyi pë mbanh wumbi Anyambië na dijëlië.

15 Diô Baju ba mimamithi na; Wâ a veka bishanga-ngobi na, yë do jetha?

16 Jisu a mibulishi na dikâ bâ na; Njelia gwamë wu shi ngwamë nji wu ngwa milomi më.

17 Na mutyi a mëlimë kâmâ ndingwa gwëi, wëna a vemë njelia, do na wu thî wumbi Anyambië do më lubila mëmëtë.

18 Yë ngwa lubila yëmëtë a toka nënia gwëi mëtë; nji yë ngwa toka nënia gwëi wu ngwa milomi yë, a thî mbombo, diô bibe bi shi nëi.

19 Mosësi a tyi mivë begwë minthali? diô shi na mutyi pë be ba thî ngwa tali minthali; ndi be vanh më jotha?

20 Botyi ba mibulishi na dika na; Wë thî na dimon; nzha vanh wë jotha?

21 Jisu a mibulishi na dikâ bâ na; Më mikâmi ashali yiwoto diô be beshë ba mamitha yô.

22 Nanikë Mosësi a mivë be neshëbia, (ana nadikâna wu wu wumbi Mosësi, nji wu bashanwë) diô be shëbë mutyi busha bi shânâ.

23 Na mutyi a shëbimë busha bi shânâ na, nthali wumbi Mosësi wu sha woshaka; be nyanya na më nadiambilindi më mikishi mutyi na ntyuthë busha bi shânâ?

24 Sha jëliaka' pë mbö wu njënia, nji jëliaka' njëlia wubënh.

25 Diö ba Jerusaleëm bawâ' ba mikâ na, Ana yë wâ ngwa bâ ba naka jotha?

26 Diö sha, a thî lubila tema nshënh diö ba sha kâ yë n'alombi. Batoli ba veka mbo' na, wâ Kraiss mëtë?

27 Nji wâ beshë veka va yë wuka; nji mia Kraiss kë ë nzha, shi na mutyi ngwa a veka va yë ë wutha.

28 Diö Jisu a miluba' thobë pë mbanh wumbi Anya-mbië, a bë jëlië, na dikâ na; Be vemë më, be veka nji va më wukamë; diö më sha nzha mëmëtë, nji ngwa lomika më a thî mbombo, ngwa be sha veka.

29 Nji më veka yë; nadiambilindî më wu pë yë thî, diö yë lomika më.

30 Diö bâ ba mina' yë bietha; nji tyi mibë na mutyi ngwa minani mbö pë yë thî, nadiambilindî digwëla diëi di tyi mibë di nzhimë.

31 Diö dibutha di botyi di mibunli yë, na dikâ na; Mia Kraiss kë ë nzha a a kâmâ bimamia nulami na bi, bi wâ mikâmi?

32 ¶ Bafaraisi ba mijo' mbo botyi ba minyamila ma-bongwë ma pë diambi diëi; diö Bafaraisi na bami-nisë banën ba milomi balomi na ba bie' yë.

33 Diö Jisu a mikâ bâ na; bia adukwa yikwë më thî na nani, wëna më kiëmë pë yë ngwa milomi më thî.

34 Be ba a më toka, diö be tyi jënë; na va më thîyî, tî be sha woli nzha.

35 Diö Baju ba mikâ bâ na bâ na; A a kië vî, va beshë tyi jë yë? A a kië pë bâ ba shikamë vanjika pë Mavala, na dijëlië Mavala?

36 Dibongwë di di thî na, di yë kâ na; Be ba a më toka, diö be tyi jënë; diö va më thîyî, tî be sha woli nzha?

37 Pë ashu yi madimilia, yö ashu yinën yi dibeki, Jisu a mitëbi shini na dilubila thoba na; Na mutyi a gwimë avëshithë a nzhî' natâ pë më thî.

38 Yë ngwa a më bunli; mbo Nlënja wu mikâthi; Pë punh' nya mâi gwëi wu u woba minlâbi mi madiba ma thakiki.

39 Nji a milubili dibongwě di pě diambi di Nshinhshinh *wumhi Anyambiě* wu ba bunli yě ba a nánh; nadiambilindí Nshinhshinh wu akitha wu tyi mibě wu vėbimě; nadiambilindí Jisu a tiyi mibě a betyimě pě thobě.

40 ¶ Mbonâ mia botyi balibuthě ba mijoki mabongwě ma, ba mikâ na, Wâ nshâ' mbombo.

41 Bawâ' na; Wâ Krai. Nji bawâ' ba mika na; Krai a a wu pě Galili?

42 Nlěnja wu sha kâ na; Krai a a bialí pě bana bambi Devid, na pě akoldi yi Bětleēm yi Devid a midiyaniě?

43 Nanikě ba mibomilia mapendi pě diambi diěi.

44 Diő bawâ' ba mikaka yě bietha; nji tyi mibě na mutyi ngwa minani mabő pě yě thĩ.

45 ¶ Diő balomi ba mibuli pě baminisě baněn na Bafaraisi ba thĩ; diő ba mikâ bâ na; Ndĩ be sha nzha něi?

46 Balomi ba mibulishi na; sha bě na mutyi na peli ngwa lubakamě mbo wâ.

47 Diő Bafaraisi ba mibulishi bâ na; Be dimbimě njikě?

48 Batoli, do Bafaraisi ba mělimě yě do mutyi do nwoto?

49 Nji botyi ba ba sha veka minthali ba thĩ shěmiamě.

50 Nikodimo a mikâ bâ na; yě ngwa minzhĩ pě Jisu thĩ na mpuma yě nwoto pě bâ ba thĩ.

51 Nthali gwashi wu jěli mutyi mia tĩ wu sha bonji joka gwana gwěi na diveka mbo yě kâmâ?

52 Ba mibulishi na dikâ yě na; Wě nji ngwa Galili? Shanga, wě ẽ jěně, nadiambilindí nshâ' a tyi těbě na diwu pě Galili.

53 Diő mutyi jěshě a mibulikwa pě mbanh gwěi.

## THANGÂKÂ 8.

1 Diő Jisu a mikiě pě mbeka wu Baoliv.

2 Diő bia lěnji divityiki shĩ a mibali nzha pě mbanh wumbi Anyambiě, diő botyi běshě ba mishăbilla pě yě thĩ; diő yě midi shĩ na dijeli bâ.



3 Dið Balēnji na Bafaraisi ba minzhī pē yē thī na mimiali ngwa mibiethibi na minthomi, dið mia bā ba mitēli yē pē tema nyabi,

4 Ba mikā yē na; Njeli, mimiali wā a biethibimē na minthomi.

5 Dið Mosēsi a mityinjili beshē pē minthali na; botyi ba ntyinh wi ba wushiki makāki; nji wē ja na?

6 Dið ba mikā nani, na ba jēlikwa yē na dibē na alo-mbi yi bā ba lubili yē. Nji Jisu a midālibi na dīlēnde pē bishāpā, na vina viēi.

7 Dið mia bā ba mibatyi yē na mpikwa, dið a miben-  
nia, na dikā bā na, Ye ngwa shi na bibe mbo bi, a bonjiki yē wusha dikāki.

8 Dið yē mibali dālibā na dīlēndē pē bishāpā.

9 Dið bā ba mijoki, ba mikobi na minlema miabi, dið ba midushi nwoto, nwoto, tatyiliē pē batoli na dikiē pē bandēmbi; dið Jisu a milili yē dipa, bā na ngwami-  
miali pē tema.

10 Mia Jisu a mibenia a tyi mijē' pē na mutyi ngē ngwamimiali; dið yē mikā yē na; Mimiali wā, bakobishi bā ba thī vī? sha bē na mutyi ngwa kobishi gwē?

11 Dið yē mikā na; Sha bē na mutyi, Shanwamē. Jisu a mikā yē na; Do mē mē sha kobishi gwē; kiēkē, sha bali' pē na' kāmā bibe.

12 ¶ Dið Jisu a mibali lubila nabi na; Mē bithānh bi pēnzhe nyi; yē ngwa thēpiliē mē a tyi thēnhtha pē divityiki, nji a a bē na bithānh bi thakiki.

13 Nanikē Bafaraisi ba mikā yē na, Wē veshi pē mbō gwāyē; nvesha gwā wu shi mbombo.

14 Dið Jisu a mibulishi na dikā bā na; Mē gwa na veshi pē mbō gwamē, nvesha gwamē wu thī mbombo; nadiambilindī mē veka va mē miwuthē, na va mē kiē; nji be sha veka va mē wuka, do va mē thī kiē.

15 Be jēliē mbo milema miani mi thīyī; mē sha jēliē na mutyi.

16 Dið na mē jēlimē, njēlia gwamē wu thī mbombo; nadiambilindī mē shi mē dipa, nji beshē na Shanē ngwa milomi mē.

17 Yi thĩ nji lɛɛjamɛ pɛ minthali mianĩ mɛtɛ na; nvesha wu botyi baba wu thĩ nge mbombo.

18 Mɛ nwoto ngwa veshɛ pɛ diambi diamɛ, diɔ Shanh ngwa milomi mɛ yɛ nji veshɛ pɛ mbɔ gwamɛ.

19 Diɔ ba miká yɛ na; Shanh a thĩ ví? Jisu a mibulihi bá na; Be sha veka mɛ do Shanwamɛ; na be ba veka mɛ, ka be veka nji' Shanwamɛ.

20 Jisu a milubili mabongwe ma pɛ alongwɛ yi mabám mia yɛ mijeli pɛ mbanh wumbi Anyambiɛ. Diɔ tyi mibɛ na mutyi ngwa mibie' yɛ nadiambilindĩ digwɛla diɛi di tyi mibɛ di nzhimɛ.

21 Adukwa yiwáká Jisu a miká bá na; Mɛ kiɛ-mɛ, diɔ be ba a me toka, diɔ be ba gwa na bibe biani; va mɛ thĩ kiɛ be sha woli nzha tí.

22 Diɔ Baju ba miká na; A a joli nyuli nyɛi mɛtɛ? Nadiambilindĩ a kána; Va mɛ thĩ kiɛ be sha woli nzha.

23 Diɔ yɛ miká bá na; Be wumɛ pɛ shĩ nji mɛ wumɛ pɛ thobɛ; be ba thĩ ba pɛnzhe nyi, mɛ shi ngwa penzhe nyi.

24 Nanikɛ mɛ ká be na; be ba a gwa na bibe biani; nadiambilindĩ na be sha mɛli na, mɛ thĩyĩ, wɛna be gwimɛ na bibe biani.

25 Diɔ bá ba miká yɛ na; Wɛ nzha? Diɔ Jisu a miká bá na; Mɛ thĩ ngɛ mbo mɛ thĩ be thatha na diwu pɛ ditatyiki.

26 Mɛ thĩ na ma' malibuthɛ ma mɛ thaki pɛ mbɔ gwani na dijeliɛ; nji yɛ ngwa milomi mɛ a thĩ mbo-mbo; diɔ ma' ma mɛ shikamɛ joka nɛi, mɛ bonhtha mɔ botyi ba pɛnzhe nyi.

27 Ba tyi mive' na, a thĩ nabi lubila pɛ mbɔ wu Shanwɛ.

28 Diɔ Jisu a miká bá na; Na be petyimɛ Miana ngwa mutyi wɛna be vemɛ na, mɛ thĩyĩ, diɔ mɛ sha kámiká n' alombi mɛmɛtɛ, nji mbo Shanwa' a mijeli mɛ, nanikɛ mɛ lubila ma' ma.

29 Diɔ yɛ ngwa milomi mɛ a thĩ nji na mɛ; Shanh' a sha lika mɛ dipa, nadiambilindĩ mɛ kámá bilombi bí yɛ dinha mbainhmbainh.

30 A bɛ lubila mabongwɛ ma, balibuthɛ ba mibwáli yɛ.

31 Dið Jisu a mikâ Baju batî bamibunli yě na; Na be jēmiliamě na njělia gwamě, wěna be bēmě bajethi bamě mbo:

32 Dið be ba a veka ma'mambombo, dið ma'mambombo ma a be dishě bana ba njĩ.

33 ¶ Ba mibulishi yě na; Beshě bana bambi Abraam, dið beshě tyi mibě mishaka mi mutyi na peli; nji ndĩ wě kâ na; Be ba a bě bana ba njĩ.

34 Jisu a mibulishi bâ na; Mbombo mě kâ be na, mutyi jěshě ngwa kâmâ bibe, yě nshaka wu bibe.

35 Dið nshaka wu sha dika pě mbanh adukwa jěshě; miana a di adukwa jěshě.

36 Nanikě na miana a dishimě be bana ba njĩ, wěna be bēmě bana ba njĩ mětě.

37 Mě veka na be bana bambi Abraam; nji be naka mě jotha, nadiambilindĩ njělia gwamě wu sha bě na nyinwa pě ba ba thĩ.

38 Mě luibila ma ma mě jěkamě na Shanwamě; dið be njikě be kâmâ ma ma be jěkamě na Shanwani.

39 Ba mibulishi na dikâ yě na; Shanwashi yě Abraam; Jisu a mikâ bâ na; Na be ba bēmě bana bambi Abraam, wěna be kânimě bishali bimbi Abraam.

40 Nji va be naka mě jotha, mutyi ngwa shikamě be thatha mambi ma mbombo ma mě mijoki na Anyambiě; Abraam a tyi mikâmi mbonâwu.

41 Be kâmâ bishali bi Shanwani. Dið bâ ba mikâ yě na; Beshě tyi mibialiě na mathalia; Beshě ba thĩ na Shanwani, yě Anyambiě.

42 Dið Jisu a mikâ bâ na; na Anyambiě a bēmě Shanwani, wěna be diuhmě mě; nadiambilindĩ mě midushi pě Anyambiě thĩ na dinzha woni; dið mě tyi minzhĩ mēmětě, nji yě milomi mě.

43 Ndĩ be sha veka nthaka gwamě? nadiambilindĩ be sha woli' joli njelia gwamě.

44 Be ba thĩ ba Shanwani diabolo, dið mimbonzhi mi Shanwani be meli' mið kâmâ. A wu njothingwa-botyi nadiwu' pě dítatyiki, yě do di pě ma mambombo; nadiambilindĩ ma' mambombo ma shi něi. Mia yě lu-

bila bika pë, a lubila mbiei mëtë; nadiambilindî a thî ndioba, yë nji shanh' ngwa bikapë.

45 Nji nadiambilindî më lubila ngë mbombo, be sha mëli më.

46 Nzha pë be ba thî ngwa kobishakamë më na bibe? diô na më lubimë mbombo ndî be sha mëli më?

47 Yë ngwa thî mutyi mbi Anyambië, a joka mabongwë mambi Anyambië; nani kë be sha joka nadiambilindî be shi bambi Anyambië.

48 Baju ba mibulishi na dikâ yë na; Beshë sha jombia kâ na, wë Ngwasemeria wë thî nji na dimoni?

49 Jisu a mibulishi na; Më shi na dimoni, nji' më junh Shanjwamë, diô be sha jungi më.

50 Më sha toka thakumi thamë; a thîyî ngwa toka na dijëlië.

51 Mbombo më kâ be na; na mutyi a talimë dibongwë diamë wëna a tyi jë' digwa nadikië adukwa jëshë.

52 Diô Baju ba mikâ yë na; Beshë vemë dë na, wë thî na dimoni. Abraam a gwimë bâ na bashâki; nji wë kâ na; Na mutyi a talimë dibongwë diamë a tyi kieka digwa na dikië adukwa jëshë.

53 Wë daka shanjwashi Abraam, ngwa thî bo? Diô bashâki ba thî bo. Wë vityitha nyuli nyâ mëtë na?

54 Jisu a mibulishi na; Na më nënishimë nyuli nyamë mëtë wëna nënia gwamë wu shi n' alombi; Shanjwamë yë nënishë më, ngwa be kâ na, yë Anyambië ngwashi.

55 Diô be sha veka yë: nji më veka yë; diô na më kâmë na, më sha veka yë, wëna më bëmë ndioba mbo begwë; nji më vemë yë më talië nji mabongwë mëli.

56 Abraam ngwashanjwani a midoni jë' ashu jamë; diô yë mijë yô, yë didona nji di.

57 Diô Baju ba mikâ yë na, Wë na dibialië wë sha shilië mabom ma mimbu matani, diô wë mijë. Abraam?

58 Jisu a mikâ bâ na; Mbombo më kâ be na; mia tî Abraam a sha bë, më diya.

59 Diô bâ ba milâli makâki na; ba wusha yë mâ;

nji Jisu a mishâthibi, diô yê midushi pê mbanh wu-mbi Anyambiê, na dinula pê tema nyabi; nanikê yê mikiêkê.

### THANGÂKÂ 9.

1 Diô mia Jisu a minuka a mijê mutyi ngwa mibiali njimê.

2 Diô bajethi bêl ba mipi' yê na; Shanwashi, wâ, na shanwê na nyanwê nzha mikâmi bibe, mia yê bialiki njimê?

3 Jisu a mibulishi na; Ana wâ do shanwê na nyanwê ba mikâmi bibe; nji na bishali bimbi Anyambiê bi jênikwa nêi.

4 Mê kubiki bishali biêl bi ngwa milomi mê mia busha bi thî na ndanh, mpuma wu thî nzha, wu u bê do bê na mutyi ngwa woli kuba ashali.

5 Mia mê thî na pê pênzhe nyi, mê bithanh bi pê-nzhe nyi.

6 A mibonhthi mabongwê ma, diô yê mivambi mathânzhî pê shî na dipula bishâpâ bitêki na mathânzhî, diô yê mijâli bishâpâ bitî pê mishi ma ngwanjimê, na dikâ yê na:

7 Kiê joba' pê atâ' yi Siloam, (di thî na nzyilia na bilomika:) diô yê mikiê na dijobitha, diô yê mibulia a a nzha jênê.

8 Bâ ba wu wâ, na bâ ba mijê yê a bê njimê, ba mikâ na, Ngwa beta di shî na dibêmba ana yê wâ?

9 Bawâ ba mikâ na; Yêné; bawâ nji' na; A thî mbo yê; yémêtê mikâ na: Mê yêni.

10 Diô bâ ba mikâ yê na; Mishi mâ ma bangwa na?

11 Diô yê mibulishi na dikâ na; Mutyi ngwa thebi na Jisu a mipuli bishâpâ bitêki, na dijâli mê biô pê mishi, diô yê mikâ mê na; kiê joba' pê atâ' yi Siloam, diô mê mikiê jobitha, diô mê jêkamê njikê.

12 Diô bâ ba mikâ yê na; A thî ví? Diô yê mikâ na; mê sha veka.

13 Ba mindeshi yê ngwa wu njimê pê Bafaraisi ba thî.

14 Diô ashu yitî yi wu busha bi, Shânâ mia Jisu a mipuli bishâpâ bitêkê na dibanhtâ yê mishi mêi.

15 Diô Bafaraisi ba mipi' nji yê na; mishi mâ ma

mibangwa na? A mikâ bâ na; A mikeshi bishâpâ bitêkê pê mishi mamê, diô mē mijobithi, diô mē jêkamê njikê.

16 Nanikê Bafaraisi bawâ' ba mikâ na; Mutyi wâ a sha wu pê Anyambiê thî, nadiambilindî a sha tall busha bi shânâ; bawâ' ba mikâ na; Mutyi mbe a woliki kâmâ bimamia mbo bi na? Diô ba mibomilia mapende pê diambi diêi.

17 Diô bâ ba mibali kâ ngwanjimê na; Wê ja na pê mbô gwei, pê diambi di yê lâlîshi wê mishi? A mikâ na; A thî nshâki.

18 Nji Baju ba tyi mimêli pê diambi diêi na, a wu njimê, diô mishi mēi ma milâlîê vêngê na ba thebimê shanh' bâ na nyanwê ngwa mishi mēi ma milâlîê.

19 Diô bâ ba mipi' bâ na; Miana ngwani wâ ngwa be ka na a mibiali njimê? Diô a jêmê dê nandî?

20 Diô shanh' na nyanwê ba mikâ bâ na; Beshê ba veka na, miana ngwashi wâ, beshê ba veka nji na, a mibiali njimê.

21 Nji mbo yê jêkamê va, beshê sha veka; na ngwa lâlîshakamê yê mishi beshê sha veka; a mbiê mutyi mbathê; pika' yê, yêmêtê kê lubila.

22 Shanh na nyanwê ba milubili mabongwê ma, nadiambilindî ba minyênh Baju; nalikana Baju ba mibê ba latyimê ashoka na; na mutyi a mēmimê na yê Krais; wêna a thokwamê pê sunagogi.

23 Nanikê shanh na nyanwê ba mikâ na; A thî mutyi mbathê, pika' yê.

24 Diô bâ ba mibali theba mutyi ngwa wu njimê na dikâ yê na; Paka' Anyambiê; beshê vemê na mutyi wâ a thî mbe.

25 A mibulishi na dikâ na; Na a thî mbê, mē sha veka; mē vemê alombi yiwoto, na, mē wu njimê, nji mē jêmê dê kiava.

26 Diô bâ ba mibali yê kâ na; A misha wê ndî? A milâlîshi wê mishi mayê na?

27 A mibulishi bâ na; Mē shimê be thatha, diô be sha jolikwê; ndi be naka bali yô joka? Be naka bē bajethi bēi njikê?

28 Diö bá ba milénh yě na diká na; Wě njethi ngwěi, njí beshě bajethi bambi Mosěsi.

29 Beshě ba veka na, Anyambiě a miluba na Mosěsi; njí alombi mutyi yi beshě sha veka va yě wuka.

30 Diö ngwanjimě a mibulishi na diká bá na; Sha, atě alombi yimamia yi na; be sha veka va yě wuka; njí a lálishimě mě mishi.

31 Diö beshě veka na; Anyambiě a sha joli babe; njí na mutyi a bémě njunh ngwambi Anyambiě na dikámá ndingwa gwěi, yě ngwa yě joliě.

32 Pěnzhe nyi na ditatyiliě, yi sha jokwa na, mutyi a lálishimě mishi ma mutyi ngwa mibiali njimě.

33 Na mutyi wá a a bě do wu pě Anyambiě thí a sha kámá n' alombi.

34 Diö bá ba mibulishi na diká yě na; Wě mibiali na bibe nantyuthě diö wě jeli beshě? Diö ba midushi yě. pě nshěnh.

35 Diö Jisu a mijo na, ba midushi yě pě nshěnh, njí mia a mijě yě a miká yě na; Wě bunli Miana mbi Anyambiě?

36 A mibulishi na diká na; Yě nzha, na mě bunli yě, Shanwamě?

37 Diö Jisu a miká yě na; Wě jěmě yě, yě njí yě ngwa thí náyě lubila.

38 Diö yě miká na; Shanwamě mě bunlimě; diö yě mingonjibi pě yě thí na dijunh yě.

39 Diö Jisu a miká na; Mě nzhimě pě pěnzhe nyi pě diambi di njelia na, bá ba sha jěké, ba jěké, na bá ba jeně, ba bě banjimě.

40 Diö bá ba Bafaraisi ba wu něi ba mijo' mabongwě ma, diö bá ba miká yě na; Beshě thí njí banjimě?

41 Jisu a miká bá na; Na be ba a bě banjimě ka be shi na bibe; njí be ká va na; Beshě ba jěmě; nanikě bibe biani bi dikamě.

#### THANGÂKÂ 10.

1 Mbombo mě ká be na; Yě ngwa Sha nyiŋa' pě dia-sha di mbanh wu bindámaki, njí yě dibeta mbě waka, yě njibi na njanzhi.

2 Nji ngwa nyinhtha pê diasha yê ntali ngwa bindâmâki.

3 Ngwa vênhli diasha a dibitha yê diasha; diô bindâmâ' bi joka dioi diei; a theba nji bindâmâ bieî na mina mabi, na didushi biô pê nshênh.

4 Diô na a dushimê bindâmâ' bieî, a kiê pê boshê biabi; diô bindâmâ' bi thêpiliê yê, nadiambilindî bi veka dioi diei.

5 Nji bi tyi thêpili mutyi nwâkâ, nji bi i yê nyênh na nvilê; nadiambilindî bi sha veka moi ma botyi bawâkâ.

6 Jisu a mikanithi bâ ngana nyi; nji ba tyi mive' ma' matî ma yê milubili bâ.

7 Diô Jisu a mibali kâ bâ na; Mbombo mê kâ be na, mê diasha di bindâmâki.

8 Bâ beshê ba mibonji nzha na mê, bâ bajibi na bajanzhi; nji bindâmâ' bi tyi mijoli bâ.

9 Mê diasha; na mutyi a nyinimê pê mê thî wêna a kimê; diô yê kê nyinhthi na didusha, diô yê ê jê bidia.

10 Ngwanjibi a sha nzha alombi yiwâkâ ngê dijiba na dijotha, na dishiliê; mê nzhi na ba bê na thakiki, na ba buliki nji na thô bê.

11 Mê ntali ngwa bindâmâ ngwambênh; ntali ngwa bindâmâ ngwambênh a ni' thaki' thêi pê diambi di bindâmâki.

12 Nji ngwankubi, yê do bê ntali ngwa bindâmâki, ngwa shi nji' mêtê mbi bindâmâki, a jê nzhe a bê nzha, diô yê lika bindâmâki na dinyênh; diô nzhe bie' biô na dîvanjaka bindâmâki.

13 Nkubi a nyênh, nadiambilindî a thî nkubi a shi nji na mbambi na bindâmâki.

14 Mê ntali ngwa bindâmâki ngwambênh; mê veka nji bindâmâ' biamê, diô mê vekwamê na mbiamê.

15 Mbo Shanwê a veka mê, nanikê nji mê veka Shanwê; diô mê ni' thaki' thamê pê diambi di bindâmâki.

16 Diô mê thî na bindâmâ' biwâ' bi shi bi ndainh wu; mê ndeshiki nji' biô bi i joka dioi diamê; diô wu u bê ndianh wuoto na ngwantali nji' nwoto.

17 Pê diambi di diô Shanwamê a dinha mê, nadia-



mbilindī mē ni' thaki' thamē, diō mē ē bali nji' thō nānh.

18 Shi na mutyi ngwa a mē thō nānh; nji mē ni' thō mēmētē; Mē thī na nguldi nya dini' thō, diō mē thī na nguldi nya dibali thō nānh. Dibongwē di mē nānh mē diō pē Shaṇwamē thī.

19 Diō Baju ba mibali boma mapendē pē diambi di ma' ma.

20 Diō bawā' balibuthē ba mikā na; A thī na dimoni, a kwīmē nji' miēnh yē; ndī be joli' yē?

21 Bawā' ba mikā na; Mabongwē ma ma shi mabongwē ma mutyi ngwa thī na dimoni. Dimoni di woliki lālishē mishi ma ba njimē?

22 Diō dibe' di mbetya wu mbanh wumbi Anyambiē di wu pē Jiruselem, yi wu nji' adukwa yi divēbē.

23 Diō Jisu a mikāmbikā pē mbanh wumbi Anyambiē pē nshinhtha wumbi Solomōn.

24 Diō Baju ba minzhī pē yē thī bāāta, na dikā yē na; Abembi yitinzha yi wē na dibomishē beshē mapendē? Na wē Krai mētē, kwasha' beshē mbo.

25 Diō Jisu a mibulishi bā na; Mē shimē be bonhtha, diō be sha mēlikwē; bishali bi mē kāmā na dina di Shaṇwamē bi veshi pē diambi diamē.

26 Nyi be sha mēlikwē, nadiambilindī be shi bindāmā' biāmē; mbo mē kākamē begwē, na;

27 Bindāmā' biāmē bi joka dioi diamē, diō mē veka biō; bi thēpili nji' mē,

28 Diō mē vē biō thaki' tha adukwa jēshē, diō bi tyi mashitha na diklē pē adukwa jēshē; tyi bē na mutyi ngwa a mē biō thambitha pē mbō gwamē.

29 Shaṇwamē, ngwa mivē mē biō, a thī nēn nulami na botyi bēshē; diō shi na mutyi ngwa woliki biō thambitha pē mbō wu Shaṇwamē.

30 Beshe na Shaṇwamē beshē thī nwoto.

31 Diō Baju ba mibali lālā makāki, na, ba wusha yē mō.

32 Jisu a mibulishi bā na, Mē lebilimē be bishali bi-bēnh bilibuthē na diwu' pē Shaṇwamē thī; pē ashali yiti yinzha yi be wusha mē makāki?

33 Baju ba mibulishi yě na; Pě diambi di ashali yiběnh beshě sha wushi wě makaki, nji pě diambi di ntakwa wumbi Anyambiě, nadiambilindĩ wě bě nji mutyi, wě sheikwa na Anyambiě.

34 Jisu a mibulishi bā na, Yi shi lěnjam pě minthali miani na, mē mikā na, be ba thĩ binyambiě?

35 Na a mithebi bā binyambiě ba bibongwě dimbi Anyambiě di minzhĩ pě bā ba thĩ, (diō nlěnja wu sha woli wosha;)

36 Yě ngwa Shanwě a mikithishě na diloma pě pēnzhe nyi, be kā yě na; Wě tathā Anyambiě nadiambilindĩ mē kāmě na; Mě Miana mbi Anyambiě?

37 Na mē sha kāmika bishali bi Shanwamě, sha mēliaka' pě mē;

38 Nji na mē kāmimě, be do mē mēliě, mēliaka' bishali; na be veki na dimēliě na, Shanwě a thĩ na mē, mē nji' nēi.

39 Nanikě bā ba mibali yě toka bietha; nji yě mithokwa bā pě mbō gwabi;

40 Na dibali kiě pě biatyi bi Jordan, pě womba va Jōn a mibonji baptaiza; diō yě midi tĩ.

41 Diō balibuthě ba minzhĩ pě yě thĩ; diō bā ba mikā na; Jōn a tyi mikāmi n' alombi yimamia; nji ma' mēshě ma Jōn a mibonhthĩ pě diambi di mutyi wā ma thĩ mbo.

42 Diō balibuthě ba mibunli yě tĩ.

## THANGÂKÂ 11.

1 Mutyi a mitatyika ngwa bieta thebiě na, Lazarus ngwa Běthani, akoldi yimbi Meri, bā na manyanwě Marta.

2 Yě Meri tĩ ngwa mijāli Jisu jāmbā, na dipimbitha mako' mēi na shoi nyěi, ngwa ndomi Lazarus a bieta tata.

3 Diō bakali bēi ba mikěshi nthebili pě yě thĩ na, Shanwashi, sha', ngwa wě dinha a thĩ tata.

4 Mia Jisu a mijo' nani, a mikā na; Ntatyiki wi wu shi wu digwa, nji pě diambi di nēnia wumbi Anyambiě na, Miana mbi Anyambiě a nēniki na gwō.

5 Dið Jisu a midinga Marta, bâ na manyanwê, na Lazarus.

6 Nauikê mia yê mijo' na a thî tata, a mitha' na' tî mashu maba pë womba va yê wu na peli.

7 Pisha tî dið yê mikâ bajethi bëi na; Mbaliaka, kiê pë Judia.

8 Dið bajethi ba mikâ yê na; Shanwashî, Baju ba kamê wê wusha makâ' kia, dið wê bali nji' tî kiê?

9 Jisu a mibulishi na; Ndanh na ntyuthê nyi shi diom di magwêla na magwêla maba? Na mutyi thênhtha na ndanh, a sha duma' dibaki, nadiambilindî a jê' bithânh bi pënzhe nyi.

10 Nji na mutyi thênhtha na mpuma, a dumitha dibaki, nadiambilindî bithânh bi shi nêi.

11 A mikâ ma' ma, dið pisha tî a mikâ bâ na; Jombi ana Lazarus a thî vithô; nji më kiêmê na më jemi' yê.

12 Dið bajethi bëi ba mikâ na; Shanwashî, na a thî vithô wêna a kimê.

13 Nji Jisu a milubili pë diambi di digwa diêi; nji bâ ba milanhi na, a milubili pë diambi di njâlia wu vithô.

14 Dið Jisu a mikwashithi bâ na; Lazarus a gwîmê.

15 Dið më donimê pë diambi diani na, më tyi wu tî, na, be mëlikwê; nji ngiêka' pë yê thî.

16 Dið Tômasî, ngwa bieta thebiê na, Didimûs a mikâ bajethî bawâ' na; Ngieka' bena bëshê, bena bëshê ba a gwa nêi.

17 Mia Jisu a mipami, a mikâbi yê a mbie na ditha' shânh mashu manai.

18 Dið Bêthani yi wu kuna na Jiruselêm na dikle' diwoto.

19 Dið Baju balibuthê ba mibê ba nzhimê pë Marta na Meri ba thî; nzha bâ jibitha pë diambi di ndomi abi *ngwa gwaka*.

20 Dið mia Marta a migo' na, Jisu a thî nzha, a mikiê nêi bomita; nji Meri a wu ngê na' diya pë mbanh.

21 Dið Marta a mikâ Jisu na; Shanwamê, na wê ê bë va ka ndomi ashi a sha gwa.

22 Nji më veka dê na, bilombi biêshê bi wê pika Anyambiê a wê bið vê.

23 Diô Jisu a mikâ yê na; Yâ ndomi kê ê jomia.

24 Marta a mikâ yê na; Mê veka na, a a jomia njomia wu ashu yi madimilia.

25 Jisu a mikâ yê na; Mê njomia na thakiki. Ngwa bunli mê, a gwana gwa, a a diya.

26 Diô mutyi jêshê ngwa thî diya na na dibunli mê, a tyi gwa na dikiê adukwa jêshê. Wê mêlimê dibo-ngwê dî?

27 Diô yê mikâ yê na; Inh, Shaṇwamê; mê mêlimê na, wê Kraïs, Miana mbi Anyambiê, ngwa thî nzha pê pênzhe nyi.

28 Diô mia yê mishi lubila ma' ma, a mikiê na dithe-ba Meri, ngwamanyanwê dishâthâ na; Njeli a nzhî-mê, a thî wê theba.

29 Diô mia yê mijoki, a mitê têbê na dinzha pê yê thî.

30 Nji Jisu a tyi mibê a pamimê pê mbokê; nji a wu pê womba va Marta a mibomita nêi.

31 Diô Baju ba wu nêi pê mbanh, na dingânthâ yê, mia bâ ba mijê' Meri a têkê têbê na didusha, ba mithê-pili yê na; ka a thî kiê pê shânh, kiê the' tî.

32 Diô mia Meri a minzhî pê va Jisu a wuthê, na dijê' yê, a mingonjibi pê mako' mêi, na dikâ yê na; Shaṇwamê, na wê ê bê va, ka ndomi amê a sha gwa.

33 Nanikê mia Jisu a mijê' yê a bê thetha, na Baju ba minzhî nêi njikê ba bê thetha, a mibê na ngâtâ nyanên pê nlema, na dijê' njuki.

34 Diô a mikâ na; Be shâli yê vî? Ba mikâ yê na; Shaṇwashi, nzha jêkê.

35 Jisu a mithethi.

36 Diô Baju ba mikâ na; Shanga mbo yê midinga yê!

37 Diô bawâ' ba mikâ na; Wâ ngwa milâlishi mishi ma ngwanjimê, a tyi wu na nguldi nya dipepa mutyi wâ na, a sha gwîki?

38 Diô Jisu a mibali bê na ngâtâ nyanên, diô yê minzhî pê shânh. Nyi wu buli, diô dikâ' di minika pê biô.

39 Jisu a mikâ na; Thokaka' dikâki. Marta ngwa-kali mbi ngwa gwaka a mikâ yê na; Shaṇwamê, shoka

nyi a numbimë; nadiambilindī a mbie na digwa ma-shu menai.

40 Jisu a mikā yē na; Mē sha kā wē na, na wē mēli-mē wēna wē jēmē nguldi nyambi Anyambiē?

41 Diō bā ba mithothi dikāki pē va ngwakiēnh a minikani. Diō Jisu a mibenithi mishi mēi, na dikā na; Dibatā, Shanwamē, nadiambilindī wē mijoli mē.

42 Diō mē veka nji' na wē joli mē adukwa jēshē; nji pē diambi di botyi ba tētha ba mē lubimē, na be mēli na wē milomi mē.

43 Mia yē milubili ma' ma a milānh na dioi dinēn na; Lazarus, dushika woni.

44 Diō ngwa ngwaka midushi; maka' na mabō diplam na mindamba; diō boshi biēi bi wu diplam na avēlēshē. Jisu a mikā bā na; Tyinākā' yē, a thē-nhthakani.

45 Diō dibutha di Baju, di minzhī pē Meri thī, na dijē' mambi ma Jisu a mikāmi, ba mibunli yē.

46 Nji bawa' ba mikiē pē Bafaraisi ba thī, na dithatha bā bilombi bi Jisu a mikāmi.

47 Diō baminisē banēn na Bafaraisi ba mishābilia nwābi na dikā na; Bena thī sha na? nadiambilindī mutyi wā a kāmā bimamia bilibuthē.

48 Na bena mēlimē na a bēki, wēna botyi bēshē ba bunlimē yē; diō Baroman ba a nzha na dishiliē bena womba na divala.

49 Nji nwātā pē bā ba thī ngwa thebiē na, Kaiefasi ngwa wu minisē ngwanēn mbu wutī, a mikā bā na; Be sha veka n'alombi,

50 Dō lanhli na, yi thī yibēnh pē bena ba thī na, mutyi nwoto a gwī' pē ashēnh yi botyi, diō divala na ntyuthē do shithē.

51 Nji a tyi mibonhthī dibongwē di yēmētē, nji a wu minisē ngwanēn mbu wutī, diō yē mishā' na, Jisu a a gwa pē ashēnh yi divala dinādi;

52 Nji ana pē ashēnh yi divala dinādi dipa, nji na, a shābiliaka' pē yiwoto bana bambi Anyambiē ba thī vanjika vanjika.

53 Nanikê na diwu' ashu yitî ba mikiê ashoka bikiê na bikiêkê mbo bâ ba jo' yê.

54 Nanikê Jisu a tyi mithênhtha pê na' na bitemi pê Baju ba thî; nji a mithokwa tî pê pênzhe nya thî kuna na thakombi, pê akoldi yi thebiê na, Ifraim, tî bâ na bajethi bêl ba midiyani.

55 Diô dibe' di nulia di Baju di mibê di mbie kuna; diô balibuthê ba miwu pê pênzhe na dibeta pê Jiruse-  
lêm mia dibe di sha bê, na ba koshi' manyuli mabi.

56 Diô ba mito' Jisu, diô bâ na bâ ba miluba' pê mbanh wumbi Anyambiê tēbitēbi na; Be jê' na, a tyi nzha pê dibeki?

57 Diô baminisê banên na Bafaraisi ba mibê ba shimê bomili botyi na; na mutyi a vemê va yê thîyî, a thakiki, na ba bie' yê.

## THANGÂKÂ 12.

1 Mia mâ ma mibê ma likamê mashu matani na yiwoto wêna dibe' di nulia di bêmê, Jisu a minzhî pê Bêtani, va Lazarûs ngwa migwî a midiani ngwa yê mijomithi.

2 Diô ba mithambili yê bidia tî, diô Marta a mivenhli atabili; nji Lazarûs a wu nwâkâ ngwa bâ nêi ba midiya pê atabili.

3 Diô Meri a minânh digwêla di jâmbâ yi narda yi wu na dishombi dideli, diô yê mijâli yô pê mako' mambi Jisu na dipimbitha mako' mēi na shoi nyēi; diô mbanh wu milonji na anumba yi jâmbâ.

4 Diô nwoto pê bajethi bêl, Judas Aiskariot, mbi Saimon, ngwa mibê na a a yê bieshê, a mikâ na;

5 Ndî jâmbâ yi yi sha shombiba na minkama mi bafura miba, na divebiê bamimbubi?

6 A tyi mikâ mbotyi nadiambilindî a wu na bami-  
mbubi na mbambi; nji nadikâna a wu njibi, yê nji wu na mianzhê na dijiba bilombi bi bâ ba mitâbiki tî.

7 Diô Jisu a mikâ na; Pata' yēni, a talimê yô pê ashu yi nshâthibia gwamê.

8 Nadiambilindî bamimbubi be ba thî nabi mbainh-  
mbainh, nji bena shi mbainhmbainh.

9 Diö Baju balibuthë ba mive' na a thÿ tÿ; diö ba minzhÿ, ana pë diambi dimbi Jisu dipa, nji na ba jë' Lazarüs, ngwa yë mijomithi.

10 Nji baminisë banën ba mibonji ashoka na, ba jo' nji' Lazarüs.

11 Nadiambililindÿ Baju balibuthë ba mikië bunli Jisu na diambi diëi.

12 Bia lënji botyi balibuthë ba minzhÿ pë dibeki, mia bâ ba mijo' na Jisu a thÿ nzha pë Jiruselëm,

13 Ba minânh bibombi bi binjiki na didusha kië bomita nëi; diö ba milânh na; Hozana; dibâtâ di bë' pë Abotyi yi Israel, ngwa thÿ nzha pë dina dimbi Anyambië.

14 Diö mia Jisu a mijë' buru ngwashalië, a mijebi yë, mbo yë yi thÿ lënjam na;

15 Sha nyëngi, miana ngwamiali ngwa Sion; sha', abotyi já yi thÿ nzha, betam pë miana ngwa buru.

16 Diö bajethi bëi ba tyi mijombia veka ma' ma pë ditatyiki; nji mia Jisu a mibetyi pë thobë diö bâ ba mishimisha na, ma' ma ma thÿ lënjam pë mbö gwëi, diö bâ ba misha nji' yë ma' ma.

17 Diö botyi ba wu nëi, ba mithaka mbo yë mithebi Lazarüs na diwutha pë shânh, na dijomitha yë.

18 Pë diambi di diö botyi ba mibomita nëi, nadiambilindÿ ba mijo' na, a mikâmi mamia wu.

19 Diö Bafaraisi ba mikâ bâ na bâ na; Be jëmë mbo be sha kâmâ n'alombi? Sha', botyi bëshë ba thÿ yë thëpillë.

20 Diö Bagriki ba wu pë nshamba ngwabi wu mibëtyi nzha junh pë dibe' di;

21 Diö bâ ba minzhÿ pë Fÿlÿp thÿ ngwa Betsaida yi Galili, na dipka yë na; Shanwashi, bëshë naka jë' Jisu.

22 Fÿlÿp a minzhÿ na dithatha Andru; diö Andru bâ na Fÿlÿp ba mithathi Jisu.

23 Diö Jisu a mibulishi bâ na; Digwëla di nzhyëmë di Miana ngwa mutyi a nëniki.

24 Mbombo më kâ be na; na thambashi tha mpotyi tha sha kwa pë bishâpâ na digwa, wëna tha dimë thö dipa; nji na tha gwëmë wëna tha jumimë balibuthë.

25 Yě ngwa dinha thaki' thěi a a thõ kutyitha; diõ yě ngwa bena thaki' thěi pě pēnzhe nyi, a a thõ tali pě thaki' tha adukwa jěshě.

26 Na mutyi a kubimě mě ashali a thěpili' mě; diõ va mě thĩyĩ, tĩ njikě nkubi ngwamě kě ẽ bě; diõ na mutyi a kubimě mě ashali wěna Shaṇwamě a junhmě yě.

27 Va nlema gwamě wu jě' njuki; nji mě kâ na? Shaṇwamě kishi' mě pě digwěla di? nji pě diambi di, diõ mě nzhakamě pě digwěla di.

28 Shaṇwamě, nēnishi' dina diáyě. Diõ dioi di minzhĩ na diwu' pě thobě na; Mě minēnishi diõ, mě ẽ nji diõ bali nēnishě.

29 Diõ botyi ba wu tĩ tēbitēbi na dijoka, ba mikâ na; Ngali. Bawâ' ba mikâ na; Ngwanlomili a thĩ nēi lubila.

30 Jisu a mibulishi na dikâ na; dioi di di sha nzha pě diambi diamě, nji pě diambi diani.

31 Njělia wu pēnzhe nyi wu thĩ va; va ngwa-botyi yi pēnzhe nyi a a kutyiba.

32 Diõ mě na mě tombiamě na diwu' pě shĩ, wěna mě dambimě botyi beshě pě mě thĩ.

33 A milubili dibongwě di pě diveshě ntyinh wu ngwebia wu yě ẽ gwa.

34 Diõ botyi ba mibulishi yě na; Beshě ba jomě pě minthali na, Kraisa a a di adukwa jěshě; diõ ndĩ wě kâ na; Miana ngwa mutyi a tombikwani? Miana ngwa mutyi tĩ yě nzha?

35 Jisu a mikâ bâ na; Via adukwa yishali bithanh mětě bi thi na' nani; Veka' thēnhtha mia be ba thi na bithanh bitĩ, divityiki di shanh pě be bietha; nadia-mbilindĩ yě ngwa thēnhtha pě divityiki a sha veka va yě kiě.

36 Mia be ba thĩ na bithanh, bunliaka' bithanh, na be ba bě' bana ba bithanh, Jisu a mibonhthi mabongwě ma; diõ yě mikiě na dishathiba.

37 Nji a gwana shili kāmā bimamia binēn bi pě maboshě mabi, ba tyi mibunli yě.

38 Diõ dibongwě dimbi Aisala ngwanshaki di minzhĩ mbombo, di yě mikâ na; Shaṇwamě, nzha miměli



nthaka gwashi? Diö nguldi nyambi Anyambië nyi mijënia pë nzha thî?

39 Nanikë bā ba tyi miwoli mēlië, nadiambilindî Aisaia a mikā wombā wākā na;

40 A midibi bā mishi, na didelishë bā minlema; ba jë' pë jë' na mishi, na diveka na minlema, na divitya, kâ mē kishimë bā.

41 Aisaia a mibonhthi mabongwë ma, mia yë mijë' nënia gwëi; na dilubila pë diambi diëi.

42 Nji dibutha di binami diwākā di mimëli yë; nji pë diambi di Bafaraisi ba tyi mimëmi yë; nadikāna ba jë' pë bā thotha pë sunagogi.

43 Nadiambilindî ba midinga apa' yi botyi dakami na apa' yimbi Anyambië.

44 Diö Jisu a milubili thobë na dikā na; Yë ngwa bunli mē, a sha bunli mē, nji yë ngwa milomi mē;

45 Diö yë ngwa jë' mē a jë' yë ngwa milomi mē.

46 Mē minzhî bithanh pë pënzhe nyi, na mutyi jëshë ngwa bunli mē a tyi di pë divityiki.

47 Diö na mutyi a jomë mabongwë mamë, yë do mō mēlië, mē sha jëli yë; nadiambilindî mē tyi minzhî pë dijëli botyi, nji pë dikishë botyi.

48 Yë ngwa kuta mē, yë do nji' nānh mabongwë mamë, a thî na njëli ngwa a yë jëlië; dibongwë di mē mibonhthî, diö di i yë jëlië pë ashu yi madimilia.

49 Nadikāna mē tyi mibonhthi mēmētë; nji Shanh ngwa milomi mē, yēmētë mithathi mē mbo mē ë lubila, na mbo mē ë bonhtha.

50 Diö mē veka na, nthakwa gwëi wō thaki' tha adukwa jëshë; nanikë ma' ma Shanh a mikā mē mō ma mē lubila.

### THANGĀKĀ 13.

1 Diö mia tî dibe' di nulia di sha bē, mia Jisu a mive' na digwëla diëi di mibë na di nzhimë, na a a thokwa pë pënzhe nyi, na dikië pë Shanh thî, a midinga mbëi mēte, a midinh nji' bā na dikië pë thandāga.

2 Diö bidia bi mibë kokami, (Setan a mibë a tabimë pë nlema wumbi Judas Aiskariot, miana mbi Saimon, na a bieshi' yë.)

3 Jisu a mive' na Shan' a mivê bilombi biêshê pê mbô gwêi, diô yê mive' nji' na a miwu' pê Anyambiê thî, tî nji yê thî kiê ;

4 Diô yê mitêbi na diwu' pê bidia, na dithotha bangai bô; diô yê minanh atoli na dityinhli yô pê diboka diêi.

5 Pisha tî diô yê mishobi madiba pê ntyêngê, na dita-tyilli jobitha mako' ma bajethi, na dipimbitha mô n' atoli yi yê wu yô tyinhliê.

6 Diô yê minzhî pê Saimon Pitêr thî, diô yê mikâ yê na; Shan'wamê, wê ê jobitha mako' mame?

7 Jisu a mibulishi na dikâ yê na; Yi mê thî va kâma wê sha veka; nji wê ê veka pê boshê.

8 Pitêr a mikâ yê na; Wê tyi majobitha mako' mamê na dikiê adukwa jêshê Jisu a mibulishi na dikâ yê na; Na me sha jobitha wê, wêna wê shi jombi na mê.

9 Diô Saimon Pitêr a mikâ yê na; Shan'wamê, ana mako' mamê dipa; nji mabô mamê, na thangakâ thamê.

10 Jisu a mibulishi yê na; Yê ngwa thî jobi, a shi na mbambi vêngê na a jobi' mako' mêi, nji a thî nyuli nyêshê pu; diô be thi pu; nji ana be bêshê.

11 Nadiambilindî a mive' ngwa a yê bieshê; nanikê yê mikâ na; Be shi pu bêshê.

12 Nanikê mia yê mishi jobitha mako' mabi, na dinanh bangâyê, a mibali di shî na dikâ bâ na; Be vemê mbo mê kâmikamê begwê?

13 Be theba mê na; Njeli, na Shan'wê; diô be veka tyuba, nadiambilindî nani mê thîyî.

14 Nanikê na mê, Shan'wani na Njeli, mê jobimê mako' mani, be nji' jobiliaka' mako' mani be na bewê.

15 Nadiambilindî mê jelimê bewê, na, kâmika' mbo mê shikamê be kâma.

16 Mbombo mê kâ be na; Miana a shi dakami na shan'wê; do ngwanlomili nulami na ngwa milomi yê.

17 Na be vemê ma' ma, dibâta di thi nani, na be kâ-mimê mô.

18 Mê sha luba' be bêshê; mê vemê bâ ba mê tabi-mê; *nji ma' ma ma thîyî*, diô minlênja mi thî mbombo na; Yê ngwa dia mpêmba na mê a tombimê dityilli diêi pê mê thî.

19 Mě bomilia be dibongwě di va, na mia diō di i bē, be ba a veka na, mē thīyī.

20 Mbombo mē kâ be na, Yě ngwa nānh ngwa mē lona, a nānh mē; diō yě ngwa nānh mē, a nānh yě ngwa milomi mē.

21 Diō mia Jisu a mikâ ma' ma a mijē' njuki pē nlema gwēi, diō yě miveshi na dikâ na; Mbombo mē kâ be na, nwoto pē be ba thī a a mē bieshē.

22 Diō bajethi ba mishanhliā bā na bā, na dimamitha ngwa yē mikākā.

23 Diō njethi nwoto, ngwa Jisu a midinga, a mijēka pē tothi nyambi Jisu.

24 Diō Saimon Pitēr a minyēli yē na, a piki yē ngwa yē kâthā.

25 Diō yē ngwa mijēka pē tothi nyambi Jisu, a mikâ yē na; Shanwamē, ye nzha?

26 Diō Jisu a mibulishi na; Ngwa mē ē tombili apēshi yi mē ē duba pē miēmbē, yē yē. Diō mia yē midubi apēshi, a mitombili yō Judas Aiskariot, *miana mbi Saimon*.

27 Diō pisha nya yē *mikashi* apēshi, Setan a minyinhthi pē yē thī; diō Jisu a mikâ yē na; Yi wē ē kāmā, wolishi yō kāmā.

28 Diō tyi mibē na mutyi ngwa midi pē atabili ngwa mive' mbo yē mikâ yē.

29 Nji bawā' ba milanhli na, nadiambilindī Judas a bieta vambila mianzhē, ka Jisu a mikâ yē na; A shombiki bilombi bi bā ba minaki pē dibeki, do na a vē' bamimbubi alombi.

30 Diō mia yē mikashi apēshi, a mitē 'dusha, diō busha bi wu mpuma.

31 Diō mia yē midushi Jisu a mikâ na; Va Miana ngwa mutyi a nēnimē, diō Anyambiē nji' a nēnimē nēi.

32 Na Anyambiē a nēnimē nēi, wēna Anyambiē a a yē nēnishē na yēmētē, diō a a yē tēkē nēnishē.

33 Bana bamē, vi' adukwa yikwē mē thī na' nani; be ba a mē toka, diō mbo mē mikâ Baju na; Va mē thī kiē, be sha woli nzha; nani kē nji' mē kâ bewē.

34 Nthali wukia wu më vëkamë bewë na; Dinhli-aka' be na bewë; mbo më midinga bewë, na, dinhli-aka' be na bewë.

35 Pë diambi di diö di botyi bëshë ba a veka na, be bajethi bamë, na be dinhliamë be na bewë.

36 Saimon Pitër a mikâ yë na; Shaṇwamë, wë thî kië vî? Jisu a mibulishi yë na; Va më thî kië va, wë sha woli më thëpilië; nji wë ë më thëpili pë boshë.

37 Diö Pitër a mibulishi yë na; Shaṇwamë, ndî më sha woli wë thëpili kia na? Më ë ni' thaki' thamë pë diambi diä'.

38 Diö Jisu a mibulishi yë na; Wë ë ni' thaki' thayë pë diambi diamë? Mbombo më kâ wë na, kuba a tyi lân, vëngë na wë shâshimë më makanh malali.

## THANGÂKÂ 14.

1 Sha jënishaka' pë minlema miani njuki; bunliaka' Anyambië, bunliaka' nji më.

2 Pë mbanh wu Shaṇwamë bidiya bilibuthë bi thî tî; na shi nani, ka më bojimë bewë; më kiëmë be koshi womba.

3 Diö na më kiëmë na dikoshi be womba, wëna më balimë be nzha nânë pë më thî; na va më thîyî, ti be ba a bë.

4 Na va më thî kië be veka, be veka nji' nzhetha.

5 Tömas a mikâ yë na; Shaṇwashi, beshë sha veka va wë thî kië; diö beshë ba a veka nzhetha na?

6 Jisu a mikâ yë na; Më nzhetha, na mbombo, na thakiki; shi na mutyi ngwa nzha pë Shaṇwamë thî ngë na më.

7 Na be ba a bë be veka më, ka be veka nji' Shaṇwamë; diö na diwu' va be veka yë, be jëmë nji yënî.

8 Fîlîp a mikâ yë na; Shaṇwashi, lebili' beshë Shaṇwë, wëna yi komë beshë.

9 Jisu a mikâ yë na; Fîlîp, abembi yinën më na didi nani yi, diö wë sha veka më? Yë ngwa jëkamë më a jëmë nji' Shaṇwamë; diö ndî wë kâ na; Lebili' beshë Shaṇwë?

10 Wë sha mëli na, më thî pë Shanë thî, diö Shanë

pë më thÿ njikë? Mabongwë ma më lubila më sha luba' më mamë më të; nji Shanh ngwa di pë më thÿ, yëmëtë kuba bishali.

11 Mëliaka' më na, më thÿ pë Shanh thÿ, diö Shanh a thÿ pë më thÿ; na yi shi nani, mëliaka' më pë diambi di bishali biömëtë.

12 Mbombo më kâ be na, yë ngwa bunli më, bishali bi më kâma, biö nji' bi yë ë kâma, diö yë ë kâma bishali binën dakami na bi; nadiambilindÿ më thÿ kië pë Sharwamë thÿ.

13 Diö alombi jëshë yi be ba a pika pë dina diamë, më ë yö kâma; na Shanh a nëniki na Miana.

14 Na be pimë alombi jëshë pë dina diamë, wëna më kâmimë yö.

15 Na be dinhmë më, taliaka' minthali miamë.

16 Diö më ë pika Sharwë; diö yë ë be vë Nvili nwakâ, na a di nani adukwa jëshë;

17 Yë Nshinhshinh wu mbombo, wu pënzhe nyi nyi sha woli nân, nadiambilindÿ nyi sha jë' wö, do veka wö; nji be veka wö, nadiambilindÿ wu di nani, wö nji' wu u bë pë be ba thÿ.

18 Më tyi lika be bana ba bilika; më thÿ nzha pë be ba thÿ.

19 Vi' abembi yikwë pënzhe nyi nyi tyi jë' pë na' më, nji be ba a më jënë; nadiambilindÿ më diya, be ba a nji' diya.

20 Pë ashu yÿti be ba a veka na, më thÿ pë Sharwa' thÿ, be pë më thÿ, më nji' pë be va thÿ.

21 Yë ngwa thÿ na minthali miamë, na ditali miö, yë nji' yë ngwa dinha më; na yë ngwa dinha më a a nji' dinhmba na Sharwamë; diö më ë yë dinha na dijënia pë yë thÿ.

22 Judas (ana ngwa Iskariot,) a mikâ yë na; Sharwamë, ndÿ wë ë jënia pë beshë ba thÿ, ana pë pënzhe nyi, yi thÿ na!

23 Jisu a mibulishi yë na; Na mutyi a dinhmë më, wëna a talimë dibongwë diamë; diö Sharwa' a a yë dinha, diö beshë ba a nzha pë ye thÿ, na didi nëi.

24 Yë ngwa sha dinga më, a sha tali nji' mabongwë

mamě; diô dibongwě di bė joka di shi ndiamě, nji di Shaŋwě ngwa milomi mě.

25 Mě shimě be thatha ma' ma mia mě thĩ na' nani.

26 Nji Nvili, yě nji' Nshinhshinh wu akitha, ngwa Shaŋwamě a a loma pě dina diamě, yě ẽ be jeli mambi měshě, na dilanhli begwě kâ be shimishamě mambi měshě ma mě shikamě be bonhtha.

27 Páthâ nya mě likamě nani, páthâ nyamě nyô mě vekamě bewě; ana mbo nvěbia wu pėnzhe nyi wu mě vě bewě. Minlema miani mi sha jě' njuki, mi sha nyěngi.

28 Be jomě mbo mě kâkamě be na; Mě thĩ kiě, mě thĩ nji' bulia pě be ba thĩ. Na be dinhmě mě, kâ be donimě nadiambilindĩ me kâmě na, mě Kiěmě pě Shan thĩ; nadiambilindĩ Shaŋwamě a thĩ něn nula-mi na mě.

29 Mě thakimě be va, mia tĩ yi sha bě, na yi bėmě ka be mėlímě.

30 Mě tyi buli pě na' lubila nani; nadiambilindĩ ngwaboty yi pėnzhe nyi a thĩ nzha, diô yě shi na alo-mbi pě mě thĩ.

31 Nji na, pėnzhe nyi veka na mě dinha Shaŋwě; diô mbo Shaŋwě a mityinjili mě nani mě kâmă; tebi-kani, ngiěkani.

## THANGÂKÂ 15.

1 Mě mathembě ngwambombo, diô Shaŋwamě yě nshathi.

2 Alabi jamě jěshě yi sha juma bibuma, a thotha yô; diô alabi jěshě yi juma bibuma, a komba' yô, na yi buliki juma bibuma.

3 Va be thĩ kombiam, na dibongwě di mě shikamě be bonhtha.

4 Dikani pě mě thĩ, mě nji' pě be ba thĩ. Mbo alabi yi sha woli juma bibuma yômětě, na yi sha shumba pě mathembě; nani nji' begwě, na be sha di pě mě thĩ.

5 Mě mathembě, begwě kě bilabi; yě ngwa di pě mě thĩ, mě nji' pě yě thĩ, yě buli juma bibuma, nadiambilindĩ tyi měwě be sha woli kâmă alombi.

6 Na mutyi a sha dika pë më thÿ, wëna a kutyibimë mbo alabi, na divëla; diö botyi ba lälä biö, na dikuta biö pë du, diö biö didikadi.

7 Na be dimë pë më thÿ, na mabongwë mamë nji' ma dimë pë be ba thÿ, wëna alombi jëshë yi be ba a pika yi bëmë nani.

8 Pë di diö di Shanwamë a nënimë na, be ba a buli juma bibuma; diö be ba a bë bajethi bamë.

9 Mbo Shanb a midinga më, uani kë më midinga begwë; bëka' pë thadinh thamë.

10 Na be talimë minthali miamë wëna bë bëmë pë thadinh thamë; mbo më taliakamë minthali mi Shanwamë na dibë pë thadinh thëi.

11 Ma' ma më shikamë be thatha na, adoni jamë yi bë' pë be ba thÿ, diö adoni jani njikë yi lonjiki.

12 Nthali gwamë wö wu, na dinhliaka' be na bewë, mbo më midinga begwë.

13 Shi na mutyi ngwa thÿ na thadinh thanën nulami na tha na, mutyi a vë' thaki thëi pë diambi di bajombi bëi.

14 Na be kânimë bilombi biëshë bi më kâ begwë, wëna be bëmë bajombi bamë.

15 Më sha thebika pë na' be bakubi, nadiambilindÿ nkubi a sha veka mbo shanh kâma; nji më thebimë be bajombi, nadiambilindÿ më veshimë begwë belombi biëshë bi më jokamë pë Shanwamë thÿ.

16 Be tyi mitäbi më, nji më mitäbi begwë, na diteli begwë na, kiëkani be ba a juma bibuma, kâ bibuma biani bi dimë, na alombi jëshë yi be ba a pika Shanwamë pë dina diamë a a be yö vë.

17 Ma' ma më kâkamë be na, dinhliaka be na bewë.

18 Na pënzhe nyi nyi benimë begwë, be veka na nyi mibonji më bena.

19 Na be bëmë ba pënzhe nyi wëna pënzhe nyi nyi dinhmë mbëimëtë; nji nadiambilindÿ be shi ba pënzhe nyi, nji më tábikamë begwë na diwu' pë pënzhe nyi; nani kë pënzhe nyi nyi benikamë begwë.

20 Shimishaka' dibongwë di më mibonhthi begwë; na, Nkubi a shi nëni dakami na Shanwë. Na ba thë-

pillimě mě, wěna ba thěpillimě nji' begwě; na ba talimě dibongwě diamě, wěna ba talimě nji ndiani.

21 Nji ma' ma mēshě ba a be mō kāmā pē diambi di dina diamě, nadiambilindī ba sha veka ngwa milomi mě.

22 Na mě bě tyi nzhawě na dithatha bā, ka ba tyi mibě na bibe; nji va ba shi na nvěngwa wu bibe biabi.

23 Yě ngwa bena mě, a bena nji' Shaḡwamě.

24 Na mě bě do kāmā pē tema nyabi bishali bi mutyi nwākā a tyi mikāmi, ka ba tyi mibě na bibe, nji va ba jēmě na dibena mēni, na Shaḡwamě njikě.

25 Nji *yi yi mibě nani*, diō dibongwě di thī lēnjam pē nthali gwabi di mibě mbombo na; Ba mibenī mě tyi dibomba.

26 Nji mia Nvili kě nzha, ngwa mě ǝ loma pē be ba thī na diwu' pē Shanh thī, yě 'nji' Nshinhshinh wu mbombo, wu dusha na diwu' pē Shanh thī, yě ǝ be bonhtha pē diambi diamě.

27 Diō be njike ba a bonhtha, nadiambilindī be wu na mě na diwu' pē ditatyiki.

## THANGÂKÂ 16.

1 Mě shimě be thatha ma' ma na, sha bebikani.

2 Ba a be dushě pē basunagogi babi; diō adukwa yi thī nzha yi mutyi jěshě ngwa a be jotha, a a lanhli na a thī kāmā Anyambiě ashali.

3 Diō bā ba a be kāmā ma' ma, nadiambilindī ba sha veka Swaḡwě, do mě.

4 Nji mě shimě be thatha ma' ma na, mia adukwa yi i nzha be ba a shimisha na, mě mishi be mō thatha. Nji mě tyi mibonhthi begwě bilombi bi pē ditatyiki, nadiambilindī mě wu na' nani.

5 Nji mě thī kiě pē ngwa milomi mě thī; diō shi na mutyi pe be ba thī ngwa pika mě na; Wě thī kiě vī?

6 Nji nadiambilindī mě thakimě be bilombi bi, minlema miana mi lonjimě na ngāta bēni.

7 Nji mě bonhtha be ngě mbombo na, yi thī yibēnh pē be ba thī na, mě kiěkě, nadiambilindī na mě sha



kiš, wěna Nvili a tyi nzha pě be ba thĩ; nji na mē kiš-mē wěna mē lomimē yě pě be ba thĩ.

8 Nji na a nzhĩmē, wěna a kobishimē pēnzhe nyi pē diambi di bibe, na bibēnh, na dijēliē.

9 Pē diambi di bibe, nadiambilindĩ ba sha bunli mē.

10 Pē diambi di bibēnh, nadiambilindĩ mē kiēmē pē Shanwamē thĩ, diō be sha jē' pē na' mē.

11 Pē diambi di dijēliē, nadiambilindĩ ngwabotyī yi pēnzhe nyi a thĩ jēliami.

12 Mē thĩ na ma' malibuthē ma mē kumba be bonhtha, nji va be sha woli mō shinhliē.

13 Nji na a nzhĩmē, Nshinhshinh wu mbombo, wěna a tokimē begwē pē ma' ma mbombo mēshē; nadiambilindĩ a tyi thatha yēmētē, nji' ma' mēshē ma yē ē joka, a a ngē mō thatha, diō a a be bomiliē mambi ma thĩ nzha.

14 A a mē nēnishē, nadiambilindĩ a a nānh mamē na dibomiliē be mōni.

15 Mambi mēshē ma Shanh a thĩ na mō, ma thĩ mamē, nanikē mē kāmē na; a a nānh mamē na dibomiliē be mōni.

16 Abembi yikwē wěna be tyi jē' mē; diō abembi yikwē njikē wěna be jēmē mē, nadiambilindĩ mē kiēmē pē Shanh thĩ.

17 Diō bajethi bēi bawākā ba miluba' bā na bā na; Ndĩ yi, yi yē bonhtha beshē na; Abembi yikwē wěna be tyi jē' mē; diō abembi yikwē njikē wěna be jēmē mē; diō, nadiambilindĩ mē kiēmē pē Shanh thĩ?

18 Nanikē bā ba mikā na; Abembi yitĩ yi yē kāthā yi thi na? beshē sha veka mbo yē kāthā.

19 Nji Jisu a mive' na ba mikā yē pika; diō yē mikā bā na; Be thĩ pilia be na bewē dibongwē di mē kakamē na, Abembi yikwē diō be tyi jē' mē, diō abembi yikwē njikē wěna be jēmē mē?

20 Mbombo mē kā be na, be ba a thetha majanh, nji pēnzhe nyi nyi i ngē dona; be ba a bē na ngātā, nji ngātā nyani nyi i vitya adoni.

21 Na mimiali a mbie dibialiē wěna a jēmē ngātā, nadiambilindĩ adu' jēi yi nzhĩmē; nji na miana a shā-

mbimě, wěna a sha lanhli pě na' nvimi *wu dibaliě'* pě diambi di adoni, nadiambilindī mutyi a bialimě pě pēnzhe nyi.

22 Nanikě nji' be ba thī na ngâtā; nji.mě ē be bali jēně, diō minlema miani mi i dona, diō adoni jani, tyi bē na mutyi ngwa a be yō thambitha.

23 Diō ashu yitī be tyi pika mē alombi. Mbombo mē kâ bē na, alombi jēshē yi be ba a pika Shaṇwē pě dina diamē, a a be yō vē.

24 Na dinzha adukwa yi be sha pika alombi pě dina diamē; pikani, be ba a nānh, na adoni jani yi lonjiki.

25 Mē shimě be thatha ma' ma na mangana, nji adukwa yi thi nzha yi mē tyi thatha pě na' be na mangana, nji mē ē be kwashitha pě mbō Shaṇwē kwashi.

26 Ashu yitī be ba a pika pě dina diamē; diō mē sha kâ be na, mē ē shoshiliē Shaṇwē pě diambi diani;

27 Nadiambilindī Shaṇwē yēmētē a dinha begwē, nadiambilindī be dinhmē mē, na dimēliē na mē minzhī na diwū' pě Anyambiē thī.

28 Mē miwu' pě Shan thī, diō mē minzhī pě pēnzhe nyi; diō mē thī bali lika pēnzhe nyi na dikiē pě Shan thī.

29 Diō bajethi bēi ba mikā yē na, Sha' va wē thī lubila kwashi, do pě nā' lubila ngana.

30 Va beshē vemē na, wē veka bilombi biēshē, diō wē shi na mbambi na mutyi a piki gwē; pě diambi di beshē ba mēlimē na wē miwu' pě Anyambiē thī.

31 Jisu a mibulishi bā na; Be mēlimē dē?

32 Sha' adukwa yi thī nzha, diō yi nzhīmē njikē, yi be ba vanjika mutyi jēshē pě mbēi na dilika mē dipa; diō mē shi mē dipa, nadiambilindī Shaṇwē a thī na mē.

33 Mē shimě be thatha ma' ma na bēka' na pāthā pě mē thī; pě pēnzhe nyi be ba a bē na njuki; nji jikani, mē damē pēnzhe nyi.

## THANGÂKÂ 17.

1 Jisu a mithathi ma' ma diō yē mibenithi mishi mēi pě thobē na dikā na; Shaṇwamē adukwa yi nzhī-

mě, nēnishi' yā Miana; na yā Miana a nēnishi' nji' gwě;

2 Nadiambilindī wě vēmě yě nguldi pē diambi di nshoni gwěshě, na, mutyi jeshě ngwa wě vėkamě yě, a vě yě thaki tha adukwa jěshě.

3 Diō thaki' tha adukwa jěshě thō tha, na, ba vekī wě Anyambiē nwoto dipa ngwambombo, na Jisu Krais ngwa wě milomī.

4 Mě nēnishimě gwě pē pēnzhe nyi; ashali yi wě mivě mě, na mě kubiki yō, mě shillimě yōni.

5 Diō va, Shanwamě, wě nji' nēnishi' mě nāyě nshamba wuoto, na nēnia wu mě wu na gwō mia tī pēnzhe nyi nyi sha bē.

6 Botyi ba wě mivě mě na diwu' pē pēnzhe nyi, mě lebillimě bā dina diā. Ba wu mbāyě, diō wě mivě mě bā, diō ba talimě dibongwě diā.

7 Va ba vemě na bilombi biěshě bi wě mivě mě, bi thī mbiayě.

8 Nadiambilindī mě vēmě bā mabongwě ma wě mivě mě, diō ba nānhmě mō, na dijombia veka na, mě wumě pē gwě thī; diō bā ba mēliakamě na, wě milomī mě.

9 Mě pika pē diambi diabi; mě sha pika pē diambi di pēnzhe nyi, nji pē diambi di bā ba wě mivě mě, nadiambilindī ba thī mbāyě.

10 Diō mbiāmě bēshě mbiayě, na mbiayě mbiāmě njlkě, diō mě minēnikě na biō.

11 Diō va mě shi pē na' pē pēnzhe nyi, nji ba ba thī pē pēnzhe nyi, diō mě nzhīmě pē gwě thī. Shanwamě ngwankanjili, tāli' bā pē dina diayě, ba wě mivě mě; na ba bē nwoto mbo bonā thīyě.

12 Mia mě wu nabi pē pēnzhe nyi, mě bieta bā tali pē dina diā; ba wě mivě mě mě mitali bā, diō shi na ngwa tokwamě, tho' nge miana ngwa nshithia, na nlēnja wu bē mbombo.

13 Diō va mě nzhīmě pē gwě thī, diō mě lubila bilombi bi pē pēnzhe nyi; na ba bē' na adoni jamě kāmiam pē bāmētě ba thī.

14 Mě vēmě bā dibongwě diā; diō pēnzhe nyi nyi

mbeni bâ, nadiambilindî ba shi ba pënzhe nyi, mbo më shi ngwa pënzhe nyi.

15 Më sha pika na, wë ë thotha bâ pë pënzhe nyi, nji na, wë ë bâ talië na diwu' pë bibe.

16 Ba shi ba pënzhe nyi, mbo më shi ngwa pënzhe nyi.

17 Pumishi' bâ na mbombo gwâ; dibongwë diâyë diô mbombo.

18 Mbo wë milomi më pë pënzhe nyi; nani nji' më milomi bâ pë pënzhe nyi.

19 Diô më pumishë nyuli nyamë pë diambi diabi, na, bâ nji' ba bë pumam na mbombo.

20 Më sha pika pë diambi di botyi ba dipa, nji pë diambi diabi bâ bëshë ba a bunli më na dibongwë diabi;

21 Na, bâ bëshë ba bë yiwoto; mbo wë, Shaṇwamë, wë thî pë më thî, më nji' pë gwë thî, na, bâ nji' ba bë yiwoto pë bonâ thî; na, pënzhe nyi nyi mëli' na wë milomi më.

22 Diô nënia wu wë mivë më, më vëmë bâ gwô, na ba bë' yiwoto mbo mbonâ thîyî.

23 Më pë bâ ba thî, wë nji pë më thî, na ba be bambathë pë yiwoto, diô na, pënzhe nyi nyi vekî na, wë milomî në, na didinha bâ mbo wë dinha më.

24 Shaṇwamë, bâ ba wë mivë më, më naka na ba bë' na më va më thîyî; na ba jë' nënia gwamë, wu wë mivë më, nadiambilindî wë midinga më mia tî ditatyiki di pënzhe nyi di sha bë.

25 Shaṇwamë ngwankânjili, pënzhe nyi nyi sha veka gwë, nji më vëmë gwë, diô bâ ba vemë na wë milomî më.

26 Diô më shimë bâ veshi dina diâyë, më ë nji' diô veshë; na thadinh tha wë dinha më, tha bë pë bâ ba thî, më nji' pë bâ ba thî.

## THANGÂKÂ 18.

1 Mîa Jisu a mibonhthi ma' ma a midushi, bâ na bajethi bëi na dikië pë biatyi bi vitonh vi Kidron, va akanh yi wuthë, diô yë minyinhthi tî bâ na bajethi bëi.

2 Diô Judas njikë, ngwa mibieshi yë, a mive' wo-

mba tĩ; nadiambilindĩ Jisu a bieta tĩ buli kiẽ, bā na bajethi bēl.

3 Nanikẽ Judas, mia yẽ mibẽ a nānhmẽ nshamba wu bashāshẽ na bakubi pẽ baminisẽ banēn na Bafaraisi ba thĩ, a minzhĩ tĩ na bilampi na bitiyẽ na minkwata.

4 Jisu a mive' bilombi biẽshẽ bi mibẽ bi i nzha pẽ yẽ thĩ, diõ yẽ mikiẽ bomita nabi, na dikā bā na, Be toka nzha?

5 Ba mibulishi yẽ na, Jisu ngwa Nazarēti. Jisu a mikā bā na; Mẽ yẽ. Diõ Judas ngwa mibieshi yẽ, a mitētha nji' pẽ nshamba gwabi.

6 Diõ mia yẽ mikā bā na; Mẽ yẽ, ba mibulia pishẽ na dikwa shĩ.

7 Diõ yẽ mibali bā pika na; Be toka nzha? Diõ bā ba mikā na, Jisu ngwa Nazarēti.

8 Jisu a mibulishi na; Mẽ bonimẽ be na; Mẽ yẽ; nanikẽ na be thĩ mẽ toka, pataka' ba, ba kiẽkẽ.

9 Diõ dibongwẽ di mibẽ mbombo, di yẽ mikā na; Bā ba wẽ mivẽ mẽ mẽ sha kuta do nwoto.

10 Diõ Saimon Pitēr a wu na nkwata wu nyēniẽ diõ yẽ mijamithi gwõ na dikwēlẽ nkubi ngwa minisẽ ngwanēn gwālẽ ngwa shanjwẽ. Ngwakubi dina diẽi na Malkūs.

11 Diõ Jisu a mikā Pitēr na; Bulishi' nkwata pẽ dibambi; dimā' di Shanwamẽ a vēmẽ mẽ, mẽ sha nātyiki diõ?

12 Diõ nshamba na ngwathangākā na bakubi ba Baju ba miblẽ' Jisu na didipa yẽ.

13 Diõ ba mibonji kiẽ nēi pẽ Annas thĩ; nadiambilindĩ yẽ wu nki' mbi Kalefas, ngwa wu minisẽ ngwanēn mbu wutĩ.

14 Diõ yẽ Kalefas ngwa mibonhthi Baju na; yi thĩ yibēnh na mutyi nwoto a gwĩ' pẽ diambi di botyi

15 Diõ Saimon Pitēr bā na njethi nwāka, ba mithē-pili Jisu; diõ njethi ti a mivekwa pẽ minisẽ ngwanēn, diõ yẽ minyinhthĩ nshamba wumbi Jisu pẽ mbanja nya minisẽ ngwanēn.

16 Nji Pitēr a mitētha pẽ nshēnh pẽ diashika, diõ njethi nwākā tĩ ngwa mivekwa pẽ minisẽ ngwanēn, a

midushi, diô yě miľubili na ngwantali diasha ná dinyi-nhliě Pitěr.

17 Diô ngwadishesha ngwa mitali diasha a mikâ Pitěr na; Wě shi' nji' ngwa bajethi ba mutyi wâ? Yě mikâ na, Ana mě yě.

18 Diô bakubi na bashâshě ba mitholi du di maatha na ditěbě ti; nadiambilindĩ di wu divěbi, ba bě jâlâ veia. Pitěr nji' a mitětha nshamba gwabi na dijâlâ nji' veia.

19 Diô minisě ngwaněn a mipi' Jisu bajethi běi, na njělla gwěi.

20 Jisu a mibulishi yě na; Mě miluba' kwashi pě botyi běshě; mě mijelikwě pě sunagogi na pě mbanh wumbi Anyambiě, va Baju ba kiě, bikiě na bikiěkě, diô pě dishâthâ mě sha kâ na alombi.

21 Ndĩ wě pika mě? pika bâ ba mijoli mě mbo mě mithathi bâ; sha', ba veka mbo mě milubaka.

22 Diô mia yě mishi' lubila mabongwě ma, ukubi nwoto ngwa mitětha wâ a mibi' Jisu thabanji na; Wě bulishi minisě mbotyi?

23 Jisu a mibulishi yě na, Na mě lubimě bibe, kobi-shi' mě bibe bitĩ; nji na biběnh, ndĩ wě bi' mēui?

24 Diô Annas a milomi yě dipiami pě Kaiefas thĩ ngwa minisě ngwaněn.

25 Diô Saimon Pitěr a mitětha jâlâ veia. Nani kě bâ ba mikâ yě na; Wě shi' nji' ngwa bajethi běi? A mi-shâshi na dikâ na; Ana mě pě yě.

26 Nwoto ngwa bakubi ba minisě ngwaněn ngwa wu pě ndianh gwěi wu ngwa Pitěr a mikwali gwâlě, a mikâ na; Mě sha jě' wě něi pě akanh?

27 Diô Pitěr a mibali shâshâ, diô kuba ngwa shangwě a mitě lănh.

28 Diô bâ ba mithokwa no diwu' pě Kaiefas thĩ, na dikiě pě mbanh wu dijěliě; nyi wu wu kwalikwali mětě; diô ba tyi minyinhthĩ pě mbanh wu dijěliě, ba jě pě woshi mputyi gwabi, nji na ba die' dibe' di nulia.

29 Diô Paillet a midushi kiě pě bâ ba thĩ, na dikâ na; Nthakwa wutĩ wunzha wu be ndeshiki mutyi wâ;

30 Ba mibulishi na diká yě na, ɲa a bě tyi bě nkâmi ngwa bibe, ka beshě sha ndeshi yě woni gwě thĩ.

31 Pailat a miká bá na ; Nángá yě be ba a jěli yě mbo nthali gwani wu thĩyĩ. Diő Baju ba miká yě na ; Beshě shi na nthali wu joli mutyi.

32 Diő dibongwě dimbi Jisu di mibě' mbo, di yě milubili, na diveshě ngwebia wu yě ẽ gwa.

33 Diő Pailat a mibali nyinhtha pě mbanh wu di-jěliě, diő yě mithebi Jisu na diká yě na ; Wě abotyi yi Baju ?

34 Jisu a mibulishi yě na ; Wě lubila dibongwě di wěmětě, do bawá boɲa wě pě diambi diamě ?

35 Pailat a mibulishi na ; Mě Ngwaju ? Divala diámětě na baminisě baněn ba ndeshiki wě woni mě thĩ. Ndĩ wě kâmikamě ?

36 Jisu a mibulishi na ; Bibotyi biamě bi shi bi pěnzhe nyi ; na bibotyi biamě bi bě bi pěnzhe nyi, ka bakubi bamě ba bomi, na mě sha vėbiki pě Baju ba thĩ ; nji va bibotyi biamě bi sha wu' va.

37 Diő Pailat a miká yě na ; Wě dě abotyi ? Jisu a mibulishi na ; Wě kâmě na, mě abotyi. Pě diambi di diő mě mibialiě, diő pě diambi di njikě diő mě minzhĩ pě pěnzhe nyi, na mě veshi' pě mbő wu mbombo. Mutyi jěshě ngwa thĩ ngwa, mbombo a joka dloi diamě.

38 Pailat a miká yě na ; Ndĩ thĩ mbombo ? diő mia yě mishi lubila mbotyi a mibali dusha pě Baju ba thĩ, na diká bá na ; Mě sha jě' yě na anángá.

39 Nji be ba thĩ na mputyi na, mě patyi' be nwoto pě dibe' di nulia ; be namě na, me patyi' be abotyi yi Baju ?

40 Bá beshě ba mijamília na ; Ana wá, nji Barabasi ; nji Barabasi a wu njanzhi.

### THANGÂKÂ 19.

1 Diő Pailat a minanh Jisu na dingâmá yě.

2 Diő bashashě ba milonh apaki yi mashombika, na dibatyi yě yő pě thangáká, diő ba mibatyi yě alokeshamba yiběi ;

3 Diô bâ ba mikâ; Mbolo, abotyi yi Baju! diô ba mibi' yê mbanji.

4 Diô Paillet a mibali dusha na dikâ bâ na; Shanga, më ndeshimë yê pê be ba thî, na be ba a veka na, më sha jê' yê na anânga.

5 Diô Jisu a midushi a bê na apa' yi mashombika, na alokeshamba yibëi. Diô Paillet a mikâ bâ na; Shanga' mutyi wâ!

6 Diô mia baminisë banën na bakubi ba mijê' yê, ba mijamilia thobë na; Petyiki yê pê krâsi! Petyiki yê pê krâsi! Paillet a mikâ bâ na; Nânga yê be ba a petyi yê; nadikâna më sha jê' yê na anânga.

7 Baju ba mibulishi yê na; Beshë ba thî na nthali, diô mbo nthali gwashî wu thîyî, a gwîkî, nadiambili-ndî a vityimë nyuli nyëimëtë Miana mbi Anyambië.

8 Nanikë mia Paillet a mijo' dibongwë dinâdi, a mi-nyënh mbondî;

9 Diô yê mibali nyinhtha pê mbanh wu dijëlië, na dikâ Jisu na; Wë miwu tã vî? Njî Jisu a tyi mibulishi yê do dibongwë.

10 Diô Paillet a mikâ yê na; Wë sha luba' na më? Wë sha veka na më thî na nguldi nya dipetyi wë pê krâsi, më thî njî' na nguldi nya dipatyitha wë?

11 Jisu a mibulishi na; Wë sha bê na nguldi na më, vëngë nyi vëbimë gwë na diwu' pê thobë; nanikë yê ngwa milili më pê gwë thî a thî na bibe binën.

12 Na diwu' adukwa yitî Paillet a mina' yê patyitha; njî Baju ba milânhlia thobë na; Na wë patyimë mutyi wâ, wëna wë shi pê na' jombi mbi Kaisar; mutyi jëshë ngwa vityitha nyuli nyëi abotyi, wëna a naka thotha Kaisar.

13 Diô mia Paillet a mijoki dibongwë di, a midushi na Jisu, diô yê midî' shi pê ntyimbi wu dijëlië, pê womba va thebië na ndëkë nya makâki, njî pê nlubia wu Hibru na, Gabatha.

14 (Diô yô yi wu nkosha wu dibe' di nulia, diô di wu digwëla di matani na diwoto,) diô yê mikâ Baju na; Shanga' abotyi jani!

15 Diô ba mijamilia na, Thoka' yê, thoka' yê, petyiki



yě. Paillet a miká bá na; Mě petyiki abotyí jani? Baminisě baněn ba mibulishi na; Beshě shi na abotyí vëngě Kaisar.

16 Nanikě dikanh diti a mivě bá yě na; a petyibiki.

17 Diő bá ba minanh Jisu na dikiě něi; diő yě mibapi krási ngwěi na dikiě pě womba va thebiě na, womba va abonzha, wu thebiě pě Hibru na, Gölgotha.

18 Diő va bá ba mipetyí yě pě krási, na botyí bawáká baba něi, pě na nwoto, pě na kě nwoto, Jisu pě tema.

19 Diő Paillet a milěnji diveka, na dikeshě diő pě krási. Diő nlenja wu wu na; JISU NGWA NAZERETI ABOTYI YI BAJU.

20 Diveka di Baju balibuthě bá milanh diő, nadikána womba va Jisu a mipetaniě va wu kuna na mbokě; diő wu milěnjiě na nlubia wu Hibru, na Grik, na Latini.

21 Diő baminisě baněn ba Baju ba miká Paillet na; Sha lěnjiki na; Abotyí yi Baju; nji na; A miká na, Mě abotyí yi Baju.

22 Paillet a mibulishi na; Mě shimě lëndě mbo mě shikamě lëndě.

23 Diő basháshě mia bá ba mipetyí Jisu, ba minanh bangáyi běi, na dikaba bá makaba manai, sháshě jěshě dikaba, diő ngáyí něn njikě; nji ngáyí něn a wu shimbiami na ntyuthě tyi nlatyiki.

24 Diő ba miká bá na bá na; Bena sha nwanjiki yě, nji nkámika' akaniki pě yě ngwa yě ẽ bě ngwěi; diő nlěnja wu mibě mbo wu ká na; Ba mikabilia bangáyi bamě, diő pě ngáyí ngwamě ngwaněn, ba mikám' akaniki. Diő basháshě ba mikami bilombi bi.

25 Diő nyanh mbi Jisu, na manyanh ngwa nyanwě, Meri, miali mbi Kliopa, na Meri ngwa Magdala, ba mitětha kuna na krási mbi Jisu.

26 Diő mia Jisu a mijě' nyanwě, na njethi tí ngwa yě midinga tēbitēbi, a miká nyanwě na, Miali wá, atě yá miana!

27 Diő yě miká njethi na; Atě nyanwě. Diő nadiwu' adu' yiti njethi tí a mitali yě pě mbanh gwěi mětě.

28 Pisha nya ma' ma, Jisu vekami na; bilombi biě-

shê bi shimê, a mikâ na; Mê gwîmê aveshithê, diô nlênja wu mibê mbombo.

29 Diô ashuka yi mitêtha tî bēni na vinigar; diô ba milonishi spōnji na vinigar; diô ba mikēshi yê pē tha-kaki, na dikēshê yê pē gwana gwēi.

30 Diô mia Jisu a minānh vinigar, a mikâ na; Yi shimê; diô yê mijabi thangākâ, na digwa.

31 Diô yi wu *ashu yi* nkosha, nanikê Baju ba mishoshili Paillet na, mako' mabi ma bukwê, biô dithokwa *pê krâsi*, na, bikiēnh bi sha bē, pē krâsi busha bi shānā, nadikānā busha bi shānā bitî bi wu busha binēn.

32 Diô bashāshê ba minzhî na dibuka mako' ma ngwangwîkê, na nwākâ ngwa mipetyibi nēi.

33 Diô mia bâ ba minzhî pē Jisu thî, ba mikâbi yê a shāshamê, diô bâ ba tyi mibu' pē na' mako' mēi.

34 Nji shāshê nwoto a milumi yê dikānh pē thambanja, diô dikitha na madiba ba mitê' dusha.

35 Diô yê ngwa mijê' a miveshi, diô nvesha gwēi wu thî mbo; diô yê veka na, a kâ mbombo; na be ba a mēliê.

36 Nadiambilindî ma' ma ma mibê, diô nlênja wu mibê mbombo na; Avesha jēi yi sha bu' do yiwoto.

37 Diô nlênja wuākâ wu kâ na; Ba a yê shanh, ngwa bâ ba milumi.

38 Pisha nya ma' ma, Josēfi ngwa Araimethia, njethi mbi Jisu, (nji ngwadishâthâ pē diambi di nyēnh wu Baju,) a mishoshili Paillet na, a thoki nyuli nyambi Jisu, diô Paillet a mimēli Nanikê a minzhî na dithotha nyuli nyambi Jisu.

39 Diô Nikodimo a minzhî nji' (ngwa mibonji nzha pē Jisu thî na mpuma) na dindeshê mbunja wu mur na aloe, wu wu nkama wu magwēla.

40 Nanikê ba ba minānh nguli nyambi Jisu, na di-dipa nyô na mindamba mi linin na mbunja wutî, ntyinh mbo ndipia wu bikiēnh wu Baju wu wuthê.

41 Diô pē womba va yê mipetyibi va wu na akanh, diô pē akanh yîti shānh nyakia nyi wu tî, nya tyi mishâthibi akiēnh na peli.

42 Ti bâ ba mini' Jisu pē diambi di *ashu yi* nkosha wu Baju, nadiambilindî shānh nyi wu kuna.

## THANGÂKÂ 20.

1 Diö Meri ngwa Magdala a mikunji kiö divityiki shi pë shânh; diö yë mijë' dikâ' thoki nadiwu' pë shânh.

2 Diö yë mipunji kiö pë Salmon Pitër thî na pë njeli nwâkâ thî ngwa Jisu a midinga, na dikâ bâ na; Ba thokimë Shaṇwashi pë shânh, diö bena sha veka va bâ ba nikwamë yë.

3 Nanikë Pitër bâ na njethi nwâkâ ba midushi na dipama pë shânh.

4 Diö bâ bëshë ba mipunji nvili nshamba wuoto; diö njethi nwâkâ a mida' Pitër, na dibonda nzha pë shânh.

5 Diö yë mibalibi na dijë' bangâyë ba linin bia; nji a tyi minyinhthi.

6 Diö Pitër a mithëpili yë pishë na dinzha na dinyinhtha pë shânh; diö yë mijë' bangâyë bia;

7 Na avëlësh, yi wu pë thangâkâ thëi, do bë bia pë va bangâyë ba linin ba wuthë, nji wutyiwutyi womba na vëi.

8 Diö dikanh ditî njethi nâ ngwa mibonji nzha pë shânh, a minyinhthi; diö yë mijëni na dimëlië.

9 Nadiambilindî na dinzha adukwa yitî, ba tyi mive' nlënja na, a jomikwa pë digwa.

10 Diö bajethi ba mibali bulia pë mimbanh miabi.

11 Nji Meri a mitëtha pë shânh a bë thetha. Diö mia yë mitheka, a mibalibi shanh pë shânh;

12 Diö yë mijë' baenjël baba didi na bangâyë bapumi nwoto pë va thangâkâ thambi Jisu tha minikanië, nwoto njikë pë va mako' mëi ma wuthë.

13 Diö bâ ba mikâ yë na; Mimiali wâ, wë the' ndî? a mikâ bâ na; Nadiambilindî ba nânhmë Shaṇwamë, diö më sha veka va bâ ba nikwamë yë.

14 Mia yë mishi lubila mabongwë ma, a mivitya shanh, diö yë mijë' Jisu tëli; diö a tyi mive' na, yë Jisu.

15 Jisu a mikâ yë na; Mimiali wâ, wë the' ndî? nzha ngwa wë toka? Nji a mivanh kâ na, yë mëtë

akanh, diô yê mikâ yê na ; Shaṇwamê, na wê thokimê yê va, boṇa mē va wê niki yê, diô mē ē kiê yê thotha.

16 Jisu a mikâ yê na ; Meri ! Dio yê mivitya na dikâ yê na ; Raboni ! nzhilia na ; Njeli. .

17 Jisu a mikâ yê na ; Sha bie' pē mē ; nadikâna va, mē sha beta pē Shaṇwa' thī ; nji kiêkê pē bamanyanh ba' ba thī, na dikâ bâ na ; Mē thī beta pē Shaṇwa' thī, na pē Shaṇwani thī, pē Anyambiē ngwamē thī na pē Anyambiē ngwani thī.

18 Diô Meri ngwa Magdala a minzhī na thatha baje-thi na ; A jēmê Ngwashanwê, diô yê shikamê nji' yê kâ ma' ma.

19 Pē ashu yi gwikê yi shânâ yitī, adu' yi ngontho-ma, mia masha' ma wu tyi, pē va bajethī ba wuthê pē diambi di nyēnh wu Baju, Jisu a minzhī na ditēbē pē tema nyabi, na dikâ bâ na ; Mbolani !

20 Diô mia yê mikâ ma' ma, a milebili bâ mabô mēi, na thambanja thēi. Diô bajethi ba midoni mia bâ ba mijê' Shaṇwabi.

21 Diô Jisu a mibali kâ bâ na ; Mbolani ! Mbo Shaṇ-wê a milomi mē, nanikê mē loma begwê.

22 Mia yê mishi lubila ma' ma a miwunli bâ pulli, na dikâ bâ na ; Nânga' Nshinhshinh wu akitha.

23 Bibe bi mutyi jêshê bi be patyitha bâ, bi i nji' bē patyi pē bâ ba thī, diô bibe bi mutyi jêshê bi be delishê, bi i nji' bâ bē delami.

24 Diô nwoto pē diom na baba, Tōmasi, ngwa mitho-libi na Didumûsi, a tyi miwu nabi, mia Jisu a minzhī ;

25 Diô bajethi bawâ' ba mikâ yê na ; Beshê ba jēmê Shaṇwana. Nji a mikâ bâ na ; Na mē sha jê' mabonha ma mandâkâ pē makânzhi mēi na dikêshê vina viamê pē mabonha ma mandâkâ, na dikêshê nji' mbô gwamê pē thambanja thēi, mē tyi mamēliê.

26 Diô pisha nya mashu matani na malali, bajethi bēi ba mibali shâbilila pē mbanh ; Tōmasi a wu nji' tī. Diô masha' ma wu tyi, diô Jisu a minzhī na ditēbē pē tema nyabi, diô yê mikâ bâ na ; Mbolani !

27 Diô yê mikâ Tōmasi na ; Shushiki vina woni, Shatê mabô mamê ; Shushiki mbô gwâ' woni na di-

kěshi gwō pē thambanja thamě; diō sha bē' tyi mēlia, nji mēli ngěndě.

28 Diō Tōmasi a mibulishi na dikā yē na; Shaṇwamě, na Anyambiě ngwamě!

29 Jisu a mikā yē na; Tōmasi, nadiambilindī wě jēmě mē diō wě mēliakamě; dibatā di thī nabi ba mēlimě mia tī ba sha jěně.

30 Diō Jisu mbombo a mikāmi ma' mamamia mawākā malibuthě pē maboshi ma bajethi bēi, ma shi lēnja-mi pē ashaṇgobi yi;

31 Nji ma' ma ma milēnjiě, nadikāna, mēliaka' na Jisu yē Kraiś Ngwamiana mbi Anyambiě; diō pē mēlia wuti na, be bē' na thakiki pē diambi di dina diēi.

#### THANGĀKĀ 21.

1 Diō pisha nya ma' ma, Jisu a mibali jēnia pē bajethi ba thī pē nsho wu Taibiria; diō yē mijēnia pē bā ba thī na ntyinh wi.

2 Ba wu tī Saimon Pitēr, bā na Tomasī ngwa mitholibī na Didumūs, na Nataniēl ngwa Kena ngwa Galili, na bana bambi Zēbidi, na bajethi bawā' baba.

3 Diō Saimon Pitēr a mikā na; mē thī kiě jo' bashě; diō bā ba mikā yē nā; Bena beshě ba thī kiě. Diō ba midushi na ditēkē tābā pē alenji, diō mpuma wutī ba tyi mijo' shě do nwoto.

4 Nji mia busha bi mibě malēnji, Jisu a mitētha pē nshaka wu nshothī; nji bajethi ba tyi mive' na yē Jisu.

5 Diō Jisu a mikā bā na; Bana bamě, be ba thī na bashě? Ba mibulishi yē na; Bia.

6 Diō yē mikā bā na; Wushika' aloba pē mbō wushaṇwě wu alenji, wēna be jēmě. Nanikě bā ba miwushi, nji sha' bā tyi miwoli yō dambitha na dibutha di bashě.

7 Diō njethi wā ngwa Jisu a midinga, a mikā Pitēr na; Yē Shaṇwashī. Diō mia Saimon Pitēr a mijo' na, yē Shaṇwě, a mibātyi ngāyi ngwēi (nadikāna a wu nshambě) na dithebitha pē nsho.

8 Diō bajethi bawā' ba minzhě na alenji, (nadikāna

ba tyi wu nëngi na kinjiki, nji ntyinh mbo mabom ma biwuba matani) ba bë dambitha aloba yi bashë.

9 Diö mia bâ ba mitâtya pë kinjiki ba mijë' du di maatha tî, na shë tî bupa, na mpëmbe bia.

10 Jisu a mikâ bâ na; Ndeshekwa' pë bashë ba be jokamë va.

11 Diö Saimon Pitër a mitâtya na didambitha aloba pë kinjiki, bëni na bashë banën, nkama na mabom matani na bashë balali; bashë ba wu balibuthë diö aloba yi tyi mingabië.

12 Jisu a mikâ bâ na; Nzha' diakani; nji tyi mibë na njethi ngwa miyishibi pika yë na; Wë nzha, nadi-kâna ba wu ve' veki na, yë Shaṇwë.

13 Diö Jisu a minzhî, na dinânh mpëmbe na divë bâ, na shë njikë.

14 Di diö dikanh dilalië di yë mijënia pë bajethi bëi, yë jomi pë digwa.

15 Mia bâ ba mishili didia Jisu a mikâ Saimon Pitër na; Saimon mbi Jona, wë dinha më nulami na ba? A mikâ yë na; Inh, Shaṇwamë wë veka na, më dinha gwë. Diö a mikâ yë na; Dieshiki bilëkë bi bindâmâ' biamë.

16 Diö yë mibali yë kâ dikanh dibali na; Saimon mbi Jona, wë dinha më? A mikâ yë na; Inh, Shaṇwamë, wë veka na, më dinha gwë. A mikâ yë na, Dieshiki bindâmâ' biamë.

17 Diö yë mikâ yë dikanh dilali na; Saimon mbi Jona, wë dinha më? Pitër a mijë' ngâtâ nadiambilindî a mipi' yë dikanh dilali na; Wë dinha më? diö a mikâ yë na; Shaṇwamë, wë veka mambi mëshë, wë veka na, më dinha gwë. Jisu a mikâ yë na; Dieshiki bindâmâ' biamë.

18 Mbombo më kâ wë na; Mia wë wu digwanja, wë mityinhli bityumba biâ' na thënhtha va wë minaka; nji mia wë ë bë nthombiki, wë ë jali mabö mayë, diö nwâkâ a a tyinhlië wë bityumba, na dikëshë gwë va wë tyi naka.

19 A mikâ dibongwë di pë diveshë ngwebia wu yë ë

nēnishē Anyambiē na gwōni. Diō mia yē mikā dibo-  
ngwē di a mikā yē na; Thēpili' mē.

20 Diō Pitēr a mivitya na dijē' njethi ngwa Jisu a  
midinga ngwa mijēbi nji' pē tothi nyēi pē atabili na  
dikā na; Shanwashī, ngwa a wē bieshē yē nzha? a bē  
ōd thēpiliē.

21 Mia Pitēr a mijē' yē a mikā Jisu na; Shanwamē,  
wa kē kāmā ndī?

22 Jisu a mikā yē na; Na mē mēlimē na a bē' va vē-  
ngē na mē nzhimē, yō ndī nāyē? Wē nji' thepili mē.

23 Diō dibongwē di di mikiē pē bajethi ba thī na,  
njethi tī a tyi gwa; nji Jisu a tyi mikā yē na, a tyi ma-  
gwa, nji; Na mē mēlimē na a bē' va vēngē na mē nzhī-  
mē, yō ndī nāyē?

24 Wā yē njethi ngwa veshē pē mbō ma' ma, na dilē-  
ndē mambi ma; diō beshē ba vemē na nvesha gwei wu  
thī ngē mbo.

25 Diō mambi mawā' malibuthē ma thīyī, ma Jisu a  
mikāmi, na ma bē ma a lēnjiē mō meshē, mē jē' na  
pēnzhe nyi nyōmētē nyi tyi kumba koka bishanangob  
bitī bi kumba lēnjē. Amēn.

